


बुँ गद्यो नेपाले हःगु खँ

नेपाल भाषा

वंशावली



प्रकाशकः—जगत् उद्धार प्रेस

ठेगाना १०१२८५ प्युठ्या



The History of  
**SHREEKARUNAMAYA**

In Nepal Bhasha

Published—by

Jagat Uddhar press



ॐ ह्रीं क्लीं ॥ ॐ ह्रीं ॥

प्रकाशन जूगु दै

बुध्द सम्बत् २५०६

नेपाल सम्बत् १०८५

विक्रम सम्बत् २०२२

१२ गुरु गुरु — १२१२

स्वगुरु संस्करण ३०९०

मू १७५

था:गु थाय

AYAMA १२१२

जगत बद्धार लापाना

प्युखा टोल

नेपाल ।

२२५११ १२१२

ने

( १ )

ॐ ह्रीं क्लीं ॥ ॐ ह्रीं ॥

इ ना प

भीगु थव नेपा देश गथे दत्त सुनां दयकूगु धाई न्हापा  
सत्ययुगे थन लखं तोपुया च्वंगु (नागवास्त) धैगु पुखु खः  
थथे कालिदहं जुया च्ववले विपश्चिभगवानं पलेपु पिना  
उत्पत्ति जुगु पलेस्वाने स्वयंभू उत्पत्ति ज्वी धुस्यलि महाचीनेवि-  
ज्याम्ह ऋद्धिचन्त महामंजुश्री गुरु थनचीज्याना महायानाचर्यया  
सेके सीके बिया लागि रञ्जनादि अनेक लिपि आखया शास्त्र  
थनं चोया स्यता विज्याम्ह महागुरु जुया निम्ति थौतकनं  
सकसिनं ( ॐ नमो वागीश्वराय ) थका ब्वना ॐ गुरु जुया  
विज्याम्ह वागीश्वराय बचनया ईश्वर मंजुश्री वसपोल गुरु  
यात नमः नमस्कार धका विचारम्भ याना च्वनतिनी । मंजुश्री  
गुरुया मां सु ? गुबले गन जन्म जुम्ह थव खं महायानाचर्य  
जक म्हासी ! थतोम्ह गुरुया शिष्य पटशस्त्रा बौद्धसाहित्याचार्य  
गुणाकर बज्र चाय, व शान्तिकर वज्राचार्य, शान्ति करया शिष्य  
यँ देशे चोम्ह बौद्धावदान तान्त्रिकाचार्य ऋद्धिसिद्धिचन्त घन्धुदत्त  
वज्राचार्य खः उगु समये थवसपोल व खोपदेशया नरैन्द्रदेव  
जुनु, यल देशया रथचक्र कृपक, कर्कोटकनागराजा समेत  
प्यम्ह वना कामुनी क्षेत्र नेपा क्षेत्रे श्रीकरुणामयहया बिज्यात ।

वसपोल करुणामय सुखावति भुवनं कहां विज्याना मर्त्य-  
मण्डले सकभनं अन्नदयका लोकपिन्त प्रतिपाल याना सुखवीया-  
लागि व पटगगि संसारया हेतु याक्ये मुक्तज्वीगु थथे धका  
क्यनेया लागी यक्षलोके जन्मकया बिज्यागु खः ।

ॐ ह्रीं क्लीं ॥ ॐ ह्रीं ॥



(बुद्ध वचन) भक्त्यहं वाचयामि प्रणामित शिरसा तं  
महायाना सूत्रम्— जि न्हापा नेपाले कान्तिपुर नगर (थंबही)  
स सिंहसार्थवाह महाजन धायका जन्म कायावले न्यासःऽह  
वणिजालगणपि मुंका (सिंहलब्दीपे) व्यापार याचना, लसीतेसं  
जिमित स्याना नेत थिक यात, उगु वखते जि श्री करुणामययागु  
भक्ति यानागुलि स्याय् मफुत लिह्वां वया लिपा थःहे जुजु जुया  
बुद्धया मूल सिद्धान्त महायान धर्मया शस्त्रं लसीतेत त्याका  
नेपा देशे सकभनं प्रजापित्त (अष्टमीवृत्त) या स्वामी करुणामयया  
सेवा याका धमनं नित्ययाना न्हापा लसीतेसं स्ययत्यंगु  
लुमंका धन्य धन्य श्री करुणामय जित रक्षायात थका वसपोल-  
यागु पट्शरि महामन्त्र स्वंगु कोटि बोना वया । जित न्हापा  
जन्म जन्म पत्ति रक्षायाता विज्याह्म संघरत्न करुणामय खः ।  
जिः न्हापा जन्म जन्मपत्ति श्रावचंचे महायाना धर्मचोना  
भक्तिपूर्वक गुणवर्णन याना जिगु शिरं करुणामययात नं महा-  
यान तन्त्रराज सूत्रयात नं वन्दना यानाचोना । उगु महायान  
धर्मया पुण्यं नेपा देया सिमाना लुंविनी उभानस जन्मजुया  
थौं बुद्ध ज्वी धून् ।

(किन्तु) महायान धर्म व करुणामय भूतमसिल धाःसा हानं  
पारमितादि पूर्णयाय् फैमखु, हानं गुरुज्वीगुला छाये शिष्य हे  
ज्वी फैमखु, थुजोगु लुं मसीक भिक्षु व बुद्धोपाशक जुया बोने  
धैगु नं धिक्कार खः थका बुद्धं धयाविज्यागु खँ (गुणकारण्डव्यूह  
सूत्रेदु) थुजोह्म करुणामय नेपा विज्यागु वंशावली संक्षिप्त रूपं  
नेपाले भाषां चोया प्रकाशयाना थुकी गनं गनं हुनेफु, सोया  
बोना विज्याना-दी पिसं सचेयाना व्वना विज्यायी-दी धैगु  
आशा दु ।


—प्रकाशक

श्रीः

## मंगलाचरणम्

सुखावतीस्थं लोकेशं पङ्गतिं दु ख यारकम् ।


नरक संशोधनं देवं नौमि श्रीकरुणामयम् ॥



बुँगद्यो नेपाले हःगु

वंशावलिया खँ

प्रारम्भ



श्री परमेश्वर लोकनाथयात नेपालमण्डलसं विज्याका  
रथ जात्रा दयका त गु श्रीकरुणामययागु खँ सन्तिप्ररूपं  
कनेत्यना ॥

(ध्व खं गथ्ये धाःसा)

न्हापा ध्व नेपा मण्डलया (भक्तपुर) ख्वप देशे  
गुणकामदेव धैह जुजु छह दु, ध्व जुजु याके न्याय, नीति,  
विवेक, विचार आपालं दु, धर्मात्मा सत्यधारी पराकमी  
गुणैश्वर्य दुह्म, ध्व जुजु नित्य धर्मया तुतामं चुया प्रजागणपित  
थः काय म्हाय् तुल्या प्रतिपाल याना व्वन ।



थव जुजुया कायमचा महु, म्हाय छह जक दु थवया नां गुणलक्ष्मी मैजा, थव मैजा स्वीनित ३२ लक्षणं पूर्णह अति-सुन्दरी सुलक्षणी खः । थव मैजा मचावले छन्दु मञ्चोकं ताउति हे खवल, सकसिन अनेक प्रकारं हेकल सुनानं दिके मफू, लिपा अबुम्हस्य धायव धोँयात बियाछोथे धायवं खवगु दित ।

कथःथे थव गुणलक्ष्मी युवती जुस्यलि बैकुण्ठया मालिक नारायण गुणलक्ष्मी मैजाया स्वप्नसं थगुरुप दर्शन बिया माक भरोसा बियाली थव हे रात्रिया नसंचास तयूमह धोँया रुपकया थः परिवारपि मुंका जुजुया छँकसं चोना विशब्द विशब्द हाला च्वन ।

जुजुं थव धोँत वथांवया हावगु सोया मनस त्रास जुया ज्योतिष सःता प्रश्न विचारयाका खँ न्यन । ज्योतिषं धाल, थव धोँत हावगु भिगु खः, छु हे मती त्रास कायम्वा ( किन्तु ) हःपिसं धोँयात छुं बी धाःगुदै व मन्थूगुलि थन वया हावगु खःभका बिन्ति याना बेला कया लिहाँवन ।

जुजुं ज्योतिषया वचन विश्वास याना धोँया मालिकम्ह तयूमह धोँ सःता न्यन । जम्बूक ! थन त्रिपि छाय हावैगु कारण छु ? तयूमह धोँनं धाल, भो राजन ! छलपोल सत्यवादी खसा जित छलपोलया पुत्री कन्या दानबिया जिलाजं या, सत्यवादी मनुसा याय् म्वा ।

जुजुं आज्ञाजुल । मनुष्यया मचा नं जम्बुकयात कन्या दान बीला, गुजो जु आश्चर्यया खँ ।

धोँनं धाल । छु आश्चर्यया खँ मखु, उवले छलपोलं धोँयात बी भका धैगु मखुला ? जि ताः ।

धोँनं थथे धाःगु न्यना जुजुया मती भाँसाँक वना चिमिसँ वोह वोह जायका अहो ! गुजोगु हेतु जुल जि म्हाय खोवले दिकेमफया काचाक धोँ यात बियाछे भका खयलं धैगु आधात्थे

हे नी जुया धोँत वया धावले थव छु धैगु जूगु ल्याः भका छु खेद मनयाना कोथाय वना थः खीरानी नाप सत्हा याना निम्ह स्त्री पुरुषयाँ दुःख मन यानाचोन ।

थनंलि थुगु खं गुणलक्ष्मी मैजां सिया मां वौ चोना च्वगु कोथाय वना मां वौ या ख्वाः सोया बिन्तियात ।

भो मांता पिता ! थोँ छाय दुःख मन याना ल्वा खिउँका चोना विज्याना, छु जुल ? जित धया विज्याहुँ । थथे थः पुत्री गुणलक्ष्मी मैजां बिन्तियागु न्यना मां वौ नि—म्हस्यां पुत्रीयागु रुप लक्षण खना नुगः मछिका दुःख मन याना धोँतवया धाःगु खँ कना विलापयाना चोन ।

थववेलस गुणलक्ष्मी मैजां हानं बिन्तियाना धाल भो पिता ! जिगु बिन्ति छगु न्यना विज्याहुँ थुकी यागु खँ जित स्वप्नसं क्यने थु कल, छलपोल सत्यवादी, छलपोलं थःगु सत्य वचन—नयात प्रतिपालनयाना जित थव तयूमह धोँयात कन्या दान बिया विज्याहुँ मती विष्मातयाना विज्याये मने । थोँ हे स्वयंवर याना जि वनेगु जुल ।

पुत्री यागु वचन न्याना निम्हत्यपूर्ण पुत्री यागु ज्ञान, धोँतेगु चरित्र थुकीका नुग मछिका मन्त्री सःता सत्हायाना प्रजागण-पित्त बोधयाना, कन्या दानयात विधिपूर्वक सारदाम तयारयाना, गुरु पुरोहित आदि प्रजागणपि सकले निमन्त्रणाया ना पुत्री यात स्नान याका तिलहिलं तं का थगु चुके नाना मङ्गलात्सव-ताना धोँत दुतबोना, शुभ—बेलास तयूमह धोँयात स्वामाल कोखाय्का स्वयंवरयाना, गुणाकामदेव राजां थः पुत्री गुणलक्ष्मी राजकुमारी तयूमह धोँयात कन्या दानबिय माःगु ज्या सिध-यका विज्याय ।



थनंलि थौं जिलाजं व पुत्री निम्हं रथस च्वँसेली थौंति  
प्यम्हसँ रथ सालायान, जुजु पुत्रीनाप माक खँल्हाना भरिया  
तयत कोस कबीरा ल्यूल्यू छोया तयके छोट। वनं वनांतरे  
थवन छगू गुफाया होतं दुने दुत यंतकल भरियातनं ल्यूल्यू द्रहॉ  
वन। नारायणं थःगु माया लो सोकि सोयेमगागु रत्नमय

### गुणलक्ष्मीमैत्राया थौं नाप विवाह जुगु



सुवर्णया प्रसाद (दरवार) छगू उत्पत्ति याना थव हे दरवारे  
यना दुने चुके थयंस्यंलि थौंति दक्क अलपेजुया वन थौं रुप ना-  
रायणं थःगु रुपकया मणिमय सिंहासने निम्ह च्वना बिज्यात।  
तुरन्त देवतादि ऋषिमुनिपि वया जज्ञशाला दय्का वेदसहित  
होमयाना कलशामिषेकविया होंका विवाह कर्म सहभोजनादि

व्या सिधयेका सकसितां भोजन याकालि भरियातयत  
तयानकुगु सुवर्णयागु देमा म्हाति छपाछपा अमिततु, बिया लित-  
छोया हल। भरियात वंपि लिहांवया अनजुगु खँ फुक जुजुयात  
बिन्तियाना लिहां वन।

थनंलि जुजुया मनी नारायण दर्शन यावंगु इच्छा जुया  
भरिया नायसहित मन्त्री प्रजागणपि मुंका वंगु वखते  
अन गुफास द्वाहांवनेगु व्हो मलू लिपा मन्त्रीप्रजागणपि  
छवेलासेलि हो लुया भरिया नाय व जुजु द्वाहां  
वना सोबले नारायण दर्शन लाना धन्य धन्य जिगु भाग्य  
जि म्हाध्या कर्म थका बिन्तियाना सोचाहुला प्रणाम यात।

नारायणं आज्ञा जुल। सत्यवादी। ससुरपिता। धन्य  
धलरोल! छलपोल खना जि खुशी जुलः आः जि थन आपा  
चोनेमज्यू स्त्री नं सहितयाना बैकुण्ठ वनेत्यल उकिं छपित  
बरदान छगू वी, लु फोने याकन थया बिज्याहुं। जुजु बिन्तियात  
भो नारायण! छलपोलयाके बरदान फोनेत थन जि याकचेगु  
बुद्धि लु फोने जि प्रजागणपिके न्यना फोवये थका बेलाकया  
पिहांवसेलि पिने मन्त्री प्रजागणपि नापलाना सकलें पिहांव-  
सेलि लिहांवया जुजु वृद्धा पाको प्रजागणपि सःता न्यन।

भो प्रजागणपि! जित नारायणं बरदान वी थाल  
जि लु फोने? वृद्धा पाको प्रजागणपिसं बिन्तियात।

भो महाराज? भी नेपा देशे वा बाली छता मद्दु वहे वा  
बाली फोना बिज्याहुं। थथे वृद्धा पाकोयागु बिन्ति न्यना  
जुजु नारायणथाय वना वा बाली फोन।

नारायणं आज्ञा जुल। भो ससुर पिता! थीकगु थाल  
तथास्तु जि बी धुन, तर मगध देशे वा पुसा काय्के छोया



ज्येष्ठ शुक्लया अष्टमि धुनेव वा पुसा तयका आषाढ मासस  
वा मा पिके व्यू । तानं बखत बखतस जल वृष्टि ज्वीकेत नाग  
सन्तोष याय्त, देशे विध्नोपद्रव मदयकेत कोट्याहुति लक्षाहुति  
आदि यज्ञ होमार्चनया, जुजु तथाऽस्तु धया, बेला कया लिहां  
बल ।

थनंलि जुजु नारायणया आह्वाथे मगध देशे वा पुसा का-  
यके छोया सकल प्रजागणपित वा पुसा इनाबिया ज्येष्ठ शुक्लया  
अष्टमी धुनेव शुभबेलस वा पुसा तल आषाढमास जुसे'लि  
सकसिनं वामा पित । उगुसमये बखत बखतस जल वृष्टिजुया  
वा मा तमा जुया बल प्यला न्याला दसे'लि वा पाके जुल,  
सरक प्रजाया हर्षमान जुया धन्य धन्य भी जुजु धाका प्रशंसा-  
याना चोन । कमये' सरस्यां वा लयो दाया सोगु बखते  
बायादुने मुख्य माःगु जाकि महु ।

प्रजागणपि सकले हरेसनया स्याफगु वा ज्वना जुजु  
याथायचना विन्तियात । भो महाराज ! गुलितक दुखसिया वा  
पिना बिचायाना चोना आः वा लया दाया सोयां वाया दुने  
जाकि महु गथे जुल सोया बिज्याहुँ धका सकसिनं स्याफगु  
वा क्यना लिहां बन ।

जुजु वा कना आश्चर्यचायां वाया दुने जाकि महु स्याफगु  
वा छु यायत ज्यू द्वीत जक जिल नयेत मजिल, आः गथे यायेगु  
थव खँ न्यनेत जिलाजं नारायणया थास बने माल धेगु  
बिचारयाना पूजाया सामाग्री जोना हानं बन । अनथ्यस्यांलि  
नारायणयात वाः उला प्रणामयाना पूजायाना विन्ति यात ।  
भो नारायण ! छलपोलया आह्वां वा पुसा कायके छोया वा  
पिका सोयां वाया दुने जाकि महु वा फुक स्याफजक

जुजुलि प्रजागणपिनि परिश्रमयाक व्यर्थ जुया जिथाय वया  
धाःबल जिं छु यायगु वाया दुने जाकि दयका बिया बिज्याहुँ ।  
भथे जुजु धाःगु खँ न्यना नारायण खलि सुंक चोना उत्तर  
बिल ।

भो ससुर पिता ! वा पिना वा सयेका बीगु जक जिगु कर्ताखा  
वाया दुने जाकि दयकेगु कर्बा जिगु मखुः अन्नया मालिक  
जिनं गुरु बिधाता श्रीमद् आर्य अवलोकितेश्वर करुणामय  
दनि वसपोलं जक वाया दुने जाकि दयका बिज्यायफु ।  
मेपिसं मफु । वसपोलं प्राणिपिन्त रक्षायायया कारणे ३२ स्त्री  
निगू अंशया छगू अंश थव पृथ्वी मण्डले कामुनि धेगू हेस्ते  
यक्षणीयागु गर्भ प्रकट जुया अन चोपि यक्षतयत उद्धारयाना  
थन नेपालस बिज्याइ, अले थननं सकभनं सुभिक्ष जुया  
महामङ्गल स्त्री, वाया दुने जाकि नं दे । थुकिया कारण  
गथे धाःसा—


न्हापा कामुनि क्षेत्रे चोपि यक्षगणपिन्त रक्षायायया कारणे  
श्री करुणामय मुमुक्षुया रुक्मया अन बिज्याना पञ्चशील,  
अष्ट शील, बोधिबर्ग्या वृत धर्मोपदेश बिया बिज्याना । अथेया-  
निति अनयाग्ह जुजुया स्त्री यक्षणीनं आपालं ज्ञान बुद्धिलाना  
अहिंसा धर्मस चोना पुण्य साधना याना चोंगु दु । उकिं  
वसपोल अन जन्मकया प्राणिपिन्त उद्धार याना बिज्याइतिनि  
वसपोल थव नेपाले मबिज्यायक वाया दुने जाकि दे मखु  
छु याये छलपोलयागु आयुर्दा मलात छलपोलया कायेया  
पाले जि नं कोशिय याना श्री करुणामय नेपाले बिज्याकेगु  
ज्या याये उगुबखते तिनि बाया दुने जाकि दे हथाय चायमते  
श्री करुणामय स्मरण याना अष्टमी वृत याना न्याय नीति  
धर्मस चोना प्रजागणपिन्त प्रतिपाल खाना च्वँ जि गुप्त जुया



बनेत्यल धका थुलि आज्ञा जुया बेलाबिया लित छोया हल ।

जुजु लिहाँ वया प्रजा गणपित्त थ्व हे खँ कना चिन्त बुझे  
याना श्रीकरुणामय स्मरण याना अष्टमी वृत दना चों चों  
धर्मया प्रभाव पुत्र सन्तान दत्त, थ्वहे पुत्र यात नरेन्द्र देव धका  
मामाकरण याना न्याद दस्त्यांलि विद्यारम्भ याका अनेक  
लिपि शास्त्र विद्या ज्ञान गुणं पारगत जुया ल्याय्म्ह जुस्यांलि  
छन्दु शुभ-बेलास थ पुत्र नरेन्द्रदेवयात राज्यविपेक बिया  
माक खकना श्रीकरुणामययागु सेवा तोते मते सदाकालसं  
भक्ति याना च्वं धका उपदेशबिया प्रजागणपित्तनं भरोसाबिया  
गुणकामदेव राजा आनन्द तपोवन प्रदेश जुया बिज्यात ॥ ॥  
थुलि गुणकामदेव राजायागु संक्षिप्त खँ जुल ।

॥ शुभम् ॥



थंनलि साहु माधन यागु खँ ।

छगू समये गौड़ धयागु नगरे वीरबाहु राजाया पाले सुमति  
धैम्ह साहु छम्ह दु, महाधनाय, उकिं थ्व साहुयात सकसिनं  
महाधन, धका आपालं नां प्रचलित जुया चोन । थ्व साहुया धन  
सम्पति छेँ, वूँ, सुवर्ण, रत्न, अन्न वस्त्रादि आपालं दु पशुपंती,  
दासा दासीनं यक दु, केवल सन्तान छता मदुगुलि छन्दु निम्ह  
तिपुया खँ जुल ।

हे स्त्री ! भी थुलिमछि धन सम्पत्ति दु, सन्तान छता मदु  
धनसम्पत्ति दुथ्ये सन्तान छतानं दुगु जूसा गुलि जक आनन्द  
ज्वीगु खः । छुयाये भीसन्तान मदु धिक्कार भीगु कर्म आः भीसं  
सन्तानया लागि श्री करुणामय शरणयाना महाउतमगु उपोष-  
धेगु अष्टमीवृत याय्नु धका सल्लाहयाना दम्पतिसहित गुरु पुरो-  
हित तथा अष्टमीपति वृत दना थःइच्छा जूथे दान पुण्य याना  
च्वन ।

थंनलि छन्दुया दिने करुणाया अश्रिपति श्रीलोकेश्वरं थ्व  
साहुया स्वप्नस दर्शन बिया आज्ञादयका बिज्यात । हे सार्थबाह  
छंगु भाव—भक्तिखना जि सन्तोष जुल, छं छु कामना याना वृत  
दना ? साहु बिन्तियात ।

भो प्रभु श्री करुणामय ! छलपोलयागु क्पां जित धन  
सम्पत्ति, अन्न, वस्त्र सकता भरिपूर्ण जुया चोन, केवल सन्तान  
छता मदु, जित मृत्युकालस अग्नि संस्कारयाना जल, दान, अन्न  
दान, पिण्ड दान याइम्ह पुत्र छम्ह वरदान बिया बिज्याहुँ धका  
फोन ।

श्री करुणामयं आज्ञा जुल । हे सार्थबाह छंत सन्तान वरदान-



बीम्ह महासिध्दा ( फकीर ) छम्ह थनिं ४ प्यनु छंथाय् भिक्षा फो वई, छन्त सन्तान बरदान बीधका आज्ञादयका अन्तर्धान जुया बिज्याई ।

थनलि साहु महाधनया न्ह्यलंचासेलि मनस भालपु अहो आश्चर्य थौं जित श्रीकरुणामयनं स्वप्नस दर्शन बिया सन्तान बरदान बीम्ह सिध्दा थनिं ४ प्यन्हु वै धका आज्ञा जुया बिज्यात । थौं जित स्वप्नास गध्ये क्यांगु खः अथ्य हे बिपनास ज्वीमाल धका श्रीकरुणामययागु नांकया थव खँ स्त्रीयात हे मकसे गुप्तयाना फकीर वै धागु जक आशा याना च्वन ।

थनलि ४ प्यन्हु दुखुनु साहुया कला मडुगु बखते श्रीकरुणामय फकीरया भेषकया बिभूति म्हस बुया जटो धारण याना कमण्डलु जोना साहु महाधनया चुके दुने वया भिक्षा फोने धका हाका चोन ।

साहुजु फकीर भिक्षा फोने धागु शब्द ताया काचा काचां काहाँ, वना नमस्कार याना आदरभाव तले थत बोना यंका कोमलगु ओश्रमस तथा भिक्षा बिया नांना प्रकारया मिष्टान्न थौं, दुरु, पञ्चामृतादि सहित छे दुगु तथा इच्छापूर्ण जुइक भोजन याकल । थ्य बेलस महासिध्दा ( फकीर ) सन्तोष जुया साहुयात धाल ।

भो साहुजु ! धन्य धन्य, छ खना जि संतुष्ट जुल, छ जिके छ फोनेत्यना फो छं धागु जि बरदान बी । थये फकीर धागु न्यना साहुजु बिन्ति याना धाल ।

भो सिध्दा सहात्मा फकीरजु ! छलपोलया कृपां जिके धन सम्पत्ति सकतां यकोदु, केवल सन्तान छता मडु उकि माहा

दुःख जुया चोन, छलपोलं कृपातया सन्तान ( पुत्र ) छम्ह बरदान बिया बिज्याहुँ धका फोन ।

थ्य बेलस फकीरजु साहुयागु नाडी सोया लाहा बिचार याना धाल । हे सार्थवाह ! जित बाता निगः गोबर छगोरा हकी छंत सन्तान दैगु उपाय याना बरदार बिया वने साहु बाता निगः गोबर छगोरा हयाबिल फकीरं छग बातासं ( गोयम ) साखि दंकतय छग बातां तोपुया साहुयात बिया थव बाता २१ निछन्हु तक उला सोयेमज्यू, थि नं मज्यू स्वैत कनेनं मज्यू कयने न मज्यू, छगु गुप्तगु थासेतया बिचा यानाति २१ निछन्हु देखुनु जि हे वया थव बाता उला छन्त सन्तान ( पुत्र ) छम्ह बीगु जुल, छ स्त्री याके सन्तान दैगु बिन्ह मदया थव जत्न यानागु धका थुलि धया लिहाँ वन । साहुजु फकीरं बीया थकुगु बाता दुकुतो येँका दुने तथा तालदया थव खँ थः स्त्रीयात हे मकसे ताचा नं भविसे गुप्त याना तल ।

थनलि भेषधारी फकीर महाजनया छे पिहाँ वना बान्तरै थप्रस्यलि थव खँ नारायणं सीका हतासं वना नाप लाना नमस्कार याना बिन्ति यात । भो गुरु थौं छलपोल भेषधारी जुया गन बिज्याना ? भेषधारी श्रीकरुणामय नं आज्ञादयका बिज्यात भो नारायण ! थौं जि गौड़ देशे च्वम्ह साहु महाधनया सन्तान मदया अष्टमी व्रतयाना धर्म कर्म दान पुण्य याना च्वंगुलि वइत सन्तान बरदान बिगुया लागि फकीरया भेषकया वयाछे वना गोबर छगोराबाता निगलं थपुक्वपु याना २१ निछन्हु तक उले मते निछन्हु देखुनु जि हे वया उला कयने धका सन्तान बरदान बिया वया । पुनर्बार नारायणं बिन्तियात — भो गुरु ! व बाताया दुने च्वंगु गोबरस जि जन्म काः वने, छलपोल बिज्याना मागु बाना बिज्याहुँ । थुलि धया



साहया छे गोबरस थःगु हंस लीन जुया चोंवन । मेवधारी श्री करुणामय अन्तर्धानजुया विज्यात ।

थनलि २१ नीछन्हु दुखुनु थव सोहु महाधनया कला न्हापां दना छे छ्वां बँपु गंगु बखते छगू कोठास तालं दया तःगु खना थव कोठास तालंदया जित ताचा मबिसे छु खँ नं मकंसे दुने छु जक सोथना तल ज्वी मेगु थव छे दक्क कोथायागु ताचा जित लःल्हाना धनसम्पत्ति दक्क पत्यार याना तल, थन कोठा छगू यागु जक छाय् पत्यार मयागु ज्वी । अवश्यनं छगू तःधंगु सोथना तःगु दै । बिना तःधंगु मदकं थथे पत्यार मयासे तैमखु । थौं थन मसोसे छाय् त्वते धका मन हथाय चाया थवमहाजननीनं खापा थया हे कोथाय द्वाहां वना स्वत । खूसेचों छु नं मखं सकंभनं ल्हातीं माला स्वत वाताय थिल, बाँलाक स्वत वाता निगः थपुक्वपु याना तःगु दु । अले थगु मन धुकु धुकु मिका घाल । अहो हे दैव, थव बाताया दुने गुजोगु रत्न सोथना तल ज्वी, दक्क धनया हर्ता-कर्ता जित दु, थव छगुया जक छाय मदुगु ज्वी थुकीदुने छुजक जुई सोहे सोये धका ग्याग्यां ल्हा थरथर खाका मन कुचुका बाता उला सोत ।

साखि छग्वारा तया तःगु खन, खने वं मन विस्मात् याना घाल । थव मिजं वै जक मजला, थपाय्चो नवगु साखि छग्वारा बातासं तया तोपुया खूसे चोंगु कोथाय तया नं तालं गोया ताचा थमं घाना जुल । थुजोगु खि सोथना तैम्ह मिजंयात वै धका गथे मधाय्गु, हा हा थव खि थन गोप्य यानासोथना तःगु गुलि दत्त ज्वीः चोने हे मजीक दुर्गन्ध नवे धूँकल । धिकार-धिकार थव मिजंया बुद्धि सकसियां हीरा, मोती, लुं सोथना तइ, थव मिजंया दुकुति खि सोथना ताचा जोना

जुल । साखि धैगु जा वै थिलेत जक ज्यू, मेगु जा याय्त नं मयू अथवा सौपादय्केत सम्म ख्यले दु, सो सो धुकुती थयंक सोथना नवेका तल धका तमं पुत पुत हाला बाता जोना पिहां वया भयालं पिने हाकु तिना गोबर वाँछोया बिल ।

थुगु बैलस साहु महाधन पिने द्वाहां वल चुके सौखि छग्वारा वाँछोया तगु खन, मने संदेह जुया काचा काचां थाहां वना कोथाय सोवन ताचा थःके खापा थया चाय्का तल द्वाहां वना सोत बाता मदया आःजक धुनका धिकार जिगु कर्म धया थः स्त्री याके न्यन । हे स्त्री ? थन कोथाय सु द्वाहां वन, थनचोंगु वस्तु सुनां काल गन छोया ? स्त्री नं जवाफ बिल । भो स्वामि ! छि वै जुलथे चो साखि धैगु वाताय तया कोथाय दुनेथयंक सोथनां तय मतय छि मस्युला वनं तालंदया ताचा घाना जुल, जिजा तः चोकं तंप्पहाँवल जिलिसे हाल । दी मने, कोथाया पिने वने हे मजीक नवः गुलि दुने छु नवगु धका खापाहे थया द्वाहां वना सो वनां गोबर नवया चवगु खना वाता नापं पित हया भयालं पिने गोवर वाँछोये धुन । छि ह मचा धायला वै धायला जित हायकेत जक थथे यानागुला, नवगु खि वाँछोत धकानं आः जक धुनकाधका छाय् धायेमागु भी थाय थुलिमछि सा लहिना तंगु दु साखिनापं गुलिजकमा, गुलित तधंगु वस्तु ज्वी ।

थव ख न्यना महाधनया नुगः मछिका मिखां खोखि वयेका



धाल धिकार-धिकार छ पापि चाण्डाल कुबुद्धि मिसा,  
कोथाय दुने थयक सोथना त गु वस्तु वाँछेयत जिके छकन  
न्यने माला जि दुयायत सोथना तल ज्वी, दुष्ट अलक्षणी  
कुबुद्धिह मिसा ।

मिसा नायोगु छेँ, मना नायोगु छेँ, नायोगु महुगु छेँ,  
भो नाप नायोगु छेँ गवडे ताले लायिमखु धका नीतिस  
धैतगु धाथ्ये खः ।

फकीर छम्ह गया सन्तानया निनि गोवर छावाडा बिया  
नीछन्हु तरु थव गोवर गोप्य याता ति नीछन्हु देखुनु जि  
वया छन्त सन्तान वरदान बी धका थनि २१ नीछन्हु दत,  
भतीचाँछि कार्य बिकल जुल । थौया दिनसँ फकीरजु दया  
सो बइ जि छु धायगु खः सोथीत नं क्येनेमज्यू कनेमज्यू,  
धका थया वगुलि गोप्य याता तथा, सो सो थव पापी  
अलक्षणीह मिसा यागु धका फकीर तँ नुना छख्ये सुक  
चोना चोन ।

थव बेरुस फकीर महाजनयात धाल । हेँ साहुजु जि बिया  
थहानु गोवर थनि २१ नीछन्हु दत, थौ व गोवर उला  
छन्त पुत्र वरदान बिया थके धका वया याकन कया हति  
बिरुध्र यायेमने, थौ छंगु मनोरथ पूर्ण जोगु दिन ख । थथे  
फकीर धागु बचन न्यना महाजन छुँ धाय मफया खलि  
सुक चोना मिवा खोबि वयेक म्हाछहं थरं खाका  
लजनिगं जोरे याता बित्ति यात ।

भो सिन्धुं फकीरजु? हलपोलं जितः बिया थवगु गोवर  
थव अज्ञानि कुबुद्धि जुया चवम्ह जिम्ह रत्नी नं पुके धुकल  
धाः जि छुथाये, धिकार जिगु कर्म भो योगेश्वर? जितः  
क्षमायाना बियाहुँ । थथे साहुँ धागु खँ न्यना हानं  
फकीरजुँ धाल । भो साहुजु? आम गोवरला पुके ज्यगु  
मखु, आपालं त धंगु जुया चोगु, तः धंम्ह ईश्वर प्रवेश जुया  
चोगु, व गोवर गन वाँछेत जित वयना द्यु धका फकीरजु  
धास्यलि महाजन थः स्त्री यात सत्ता धाल । अरे दुष्ट  
चाण्डाल पापी अलक्षणी कुबुद्धिह मिसा, छं गोवर गन  
वाँछोया कयना द्यु । थथे थः स्वामी धागु बचन न्यना  
साहुनी नं फकीरजु यात दिन्ती याता धाल ।

भो योगेश्वर फकीरजु? छुथाये जि अज्ञानिह मिसा अहं-  
कार गोवर वाँछोया बिया क्षमायाना दिर्याहुँ धका साः  
गाले काचा—काचा ककाहा घना सोत, गोवर खन फकीर  
व गोवर गवाडा कया पोला सोत, ३२ स्वीनीता लक्षणं  
पूर्णह दिव्य सुन्दरह बालक जन्म जुया चोन । अले साहु  
यात कयना फकीर धाल ।


भो साहुजु? छंगु कर्मस पुत्र लाभ महु, जिला छंत पुत्र  
वरदान बी धका साखीस थथे बालक जन्म यातागु खः ।  
हानं साहुनीयात धाल हे साहुनी? छंगु गर्भ पुत्र जन्म  
खीगु लक्षण महुगुलि थथे याता पुत्र वरदान दियागु खः । तर  
छुथाये, छंके अहंकार पिहाँ वया थौ दिन पुरे खीखु सागले  
वाँछोत थव फुकं छिमिगु कर्मया फलं जूगु खः । कर्म हे महु



पिन्त बरदान बिया नं दैमखु । आः थव चांडेये थुं कुम्ह  
मचा छिमित दैमखु, जि हे यँके जुल धका धया व वालक  
भतीचा जक क्यना फकीरजु बुया महाजनयागु छे पिहाँ वन ।

थव वेलस साहु व साहुनी निम्हस्यां सुन्दर बालक  
फकीरजु बुया थःगुछे पित यंकुगु सोया अत्यन्त जुगं  
मछिका सः हे सुक्क खोया, आः छुयाये न्हाको खोया  
चवंसां उपाय मन्त, धिकार भीगु कर्म, भीगु कर्मया दोषं  
हे थथे जूगु खः धका निम्ह तिपून् शोकयागु गाले कुतुवंका  
इश्वरयागु नां कया मने धीर याना नये तोने याना मलीन  
खा उर्वाका चोन जुल ।

थुलि साहु महाधनयागु खं जुल ।



## थनंलि गोवर जन्म जुम्ह बालक नामकरण याःगु खँ ।

मेषधारी फकीरं थव बालक यँका जात कर्म, नामाकरण  
याना (मचाबूध्यका, नां छुना ) थव बालक गोवरं जन्म  
जुम्ह जुया निति गोरखनाथ धका नां तथा तः धिकजुस्वलि  
अनेक बिद्या शास्त्र ज्ञानगुण स्यनेकने याना शिक्षा दिक्षा  
बिया, यन्त्र मन्त्र योगाभ्यासं पारंगत याना, हानं चोनेगु  
थाय् देश छगु दयका अन तथा अभिषेक बिया गोरखानाथ  
कानफता योगी धका नां प्रख्यात याना ल मेषधारी फकीर  
श्री करुणामय अन्तर्धान जुया बिज्यात ।

ततोऽसौ गोरखानाथो लोकेश्वराय वन्दनं ।

कृत्वा विहरति स्मृत्वा प्रहर च दिनेत्रयं ॥

थनलि गोरखानाथ कानफता योगी श्री करुणामय लोकेश्वर  
गुरुयात नित्य लुमंका सुथे, न्हिने, बः न्हि, न्हि सोक वन्दना  
याना चोन ।

थुलि गोरखानाथ धका नामाकरण याःगु खं जुल

## थनंलि गोरखानाथ नेपाले वःगु खँ

छन्हुया दिने गोरखानाथं न्हापा नारायणयागु अवतारे  
गुणकामदेव राजायात वाया दुने जाकि दयकेत श्री करुणा  
मय नेपाल देशे बिज्या केगु जि नं कोशीसथाय धका थैगु  
खं लुमंका थुम्ह राजाया पुत्र नरेन्द्रदेव राजायागु चरित्र  
सोये धका बिचाः याना नेपाल देशे चल, व वं नेपाल देशया  
दथवी थ्यसेलि बजारै उखेंथुखें सोया जूगु बखते छगु थासे  
मिसा छम्हसे पसः तथा मद्यपान (अय्ला, थव) मिया तोका  
चोगु खन उगु पसले इहाँ वना खडिसुं कचोना सोया लिपा  
थमंनं मद्यपान तोनेगु ईच्छा जुया वसेलि पसल्या मिसा  
याके गोरखनाथ मद्यपान तोने धका फोन ।

हे केहें मद्यजु ? जि नं मद्यपान तोनेगु इच्छा जुल धेवा  
घासा मडुछुयाय्, छं दया दुसा जितः नं तोनेगु व्यू ।



सुलि पसल्या मिसां धाल । हे परदेशी योगीजु, छिगु इच्छा दुये मपा दिसँ जि तौके । थये सुलि पसल्या मिसा धाःगु न्यना हानं कानफत्ता योगी, धाल । मयजु जि धाःसा कानफत्ता योगी आःपा नयेमा, आपाः तोनेमा, जितः सन्तोष उवीक छं तौके फुला ? सुलि पसल्या मिसां धाल । हे योगी कानफत्ताजु ? छि गुलि तोनेफु उलि सन्तोष मज्जतले जि तौके छि छुं धन्दा कया दिम्वा । थौं चछि थन हे वास यान दिस धका थुम्ह गोरखनाथ कानफत्ता योगीयात छगू कोटास बास बियालि वसुलि पसल्या मिसाया मती मालपु अहो आश्चर्य, थौं जि थव योगीयात मयपान सन्तोष मज्जतले तौके धका धायेधुन थव सुख, देवताला व भूत प्रेतला जि थवयात आत्मा सन्तोष उवीक तौके फौला मफौला आः जि गये याये धका धन्दा कया रात्रीस थः थान श्री गणेशया थास वना श्री गणेश आराधना याना एक चितं पूजा याना ध्यान याना चोन ।

थव बेलस श्री गणेश प्रसन्न जुया आज्ञा दयकल । भक्ति मयपानया मयजु, छं जितः आपल भक्ति याना तःगु दु । छंगु भाव भक्ति खना जि खुसि जुया चोना, छं जितः छुं मने तथा पूजाया वया धा, जि पुरे यादा वी । थये श्रीगणेश आज्ञा जूगु न्यना सुलिनी मयजु धाल । भो गुरु गणपति श्रीगणेश जि छलपोलयात पूजाया वयागु मैता कारणस मखु, थौं जिगु छे मयङ्कर मूर्ति ग्यानापुसे चोम्ह कानफत्ता योगी छम्ह बासया वल, वं जितः थ्यँ अमल सन्तोष उवीक तौके फुला धका न्यन, जि कावाक तोना दिसँ, छित सन्तोष

मज्जतले तौके धका धया उकिं आः जिगु मती तौके मफौला छुवे धका सँका जुया छलपोलया पूजायाना बिनित्या वया । भो गुरु श्रीगणेश ! थव योगीयात सन्तोष उवीक तौके फयेक बर प्रसाद बिया बिज्याहुं ।

थव बेलस श्रीगणेशया मती थव योगी सुज्जी थवयागु चरित्र सोये धका थःगु रूप तोता मनुष्यया रूप कया सुलिनी मिसाया पसले वन, स्वस्थलि नारायणया अंश गोरखनाथ कानफत्ता योगी थव सुलिनीयागु चलित्र सो वग्ह धका सीका लिहाँ वया नवनांग साधना याना सुलिनी थवं अयला घःघ स्थापना पत्ति मयपान याना समानगु ल घःघ पति बिलि बिलि जाय्क उत्पति याना सुलिनी मिसायात धाल । हे सुलिनी मयजु छं छुं धन्दा काय्मवाल हुं छंथाय वैचोम्ह योगीयात वं तोने धातले तौकी छुं शंखा काय् मने, तर छं घः ल्हयो ने मने, चीके मने थिना थिना जक का, छंगु मद्य घले बुँगाले लः बुया वःथ्यं बुया वै, पा उवी मखु, जि माःगु जुगतियाय धुन लिहाँ हुं धका धाल ।

थव बेलस सुलि पसल्या मिसां श्रीगणेश आज्ञा जूगु वचन न्यना तथास्तु धका बिनित्याना थःगु पसले लिहाँ वया अयला थवं तथा तःगु घले सोस्थलि घःघः पति अयला थवं भय् भय् बीक जाया चो'गु खना धन्य धन्य श्री गणेश धका खुसि जुया चवन ।

थनलि गोरखनाथ कानफत्ता योगी चछि बास याना



कहे सुथे अस्यलि पसले वना धाल । हे सुलिनी मयजु जी  
ला वयेधुन, छँ जितः अयला थ्व संस्तोष उवीक तोको  
विस्तार याय् । मते, जि थ्वँ अयला जक तोनेगु इच्छा जुया  
चवन, भति भति हानं जक तोना नं मगाः ।

थथे योगी धाःगु न्यना सुलिनी मिसां छिगु इच्छा पूर्ण  
मज्जले भपादीसँ धया दुने यँका छगू आसने पैतुका तःगोगु  
बातास थ्वँ जायक तथा भपि धया न्होने तथा बिल ।

थ्व बेलस कानफत्ताजुं थ्वो मतोसि खछि सुँक चवना  
घोस्यलि सुलि पसले मिसा हान धाल । भो योगीजु !  
छाय सुँक चवना दिया, सुथनिसँ थ्वँ तोनेव प्वा स्याई धका  
ला, ख जा खः न्हापा अयलानि भपि लिपा थ्वँ भपि धका  
अयला नं तःगोगु बाताचय् बिलि बिलि जायक तथा भपि  
भपि धया चवन ।

थनंलि कानफत्ताजुया मती थ्व मिसां अयला थ्वँ वी हे  
मपेक तोनां तोने धका निपा र्हर्हाति बाता उवना मिखां  
तिसिना सास हे मल्हासे धुतु धुतु तोन । थुगु तालं लिसा  
काकां तथां चोन, तोनां चोचौं न्हिछि तक तोना नं व सुलिनी  
मिसां भपि-भपि धाधां अयला थ्व हयां चोंगु खना आपालं  
हे तोने धुस्यलि थःथे थमं मछाया धाल । हे सुलिनी मयजु  
गात-गात गुलि तोने, छ धःय खः, बहुत संस्तोष उवी धुन ।  
थथे कानफत्ताजुं धाःगु न्यना सुलिनी मयजु हान धाल । हे  
योगीजु ! आः भक्तीचा भपादिस थौं भाया हानं गबले भाई ।

कानफत्ताजु धाल । हे केहेँ मयजु, गात-गात जि दने बले  
धेधे च्वी थें चोने धया दना पला छिना सोत धाथे हे धेधे  
चुल, अले न्हिला-न्हिला धाल हे मयजु, अप्पो धेगु छुँ हिसि  
मदु, नां नं कानफत्ता ज्या नं कानाफत्ता उवीगु जुल । छ खना  
जि अति खुसि जुल, छन्त जि वरदान वी । छं थाय थ्वं  
अयला त्वं वः पि फुक मोह जुया छकः व म्ह बराबर मवस्य  
मफयमा, आपाः गाहा दयमा, छंगु लाथ् या प्यदेगं लाभ  
उवीमाः । थुलि वरदान बिय मफु वदु पला छिना धे धे च्वीका  
वन मती चिन्तना यात ।

अहो आश्चर्य ? थौं जि गुलि जक अमल तोन उवी,  
न्हाको त्वंसां थ्व मिसां त्वका हे चोन, थ्वं छु जक जनत  
याना तल उवी, गुलि जक मद्यपान दयका तल उवी. थ्वयागु  
भण्डार छक सो हे धका गुप्त रूपं हानं पसले वना  
धकी नं खुया तःगु पर्दा उला ह्वाँ वना सोत ।

थ्व बेलस नवनागं घले हिना मद्य बढे याना च्वंगु खना  
मनं मनं घाल ।

अहो ? थ्व मिसां थथे नवनाग साधवा याना तः गुलि  
धका धाक्-धाक्क मद्य तोके फत धका थुलि बिचार याना  
आपालं मद्यपान याः गुलि स्तमोगुणया प्रभावं क्रोधयः अग्नि  
पिकया गुड नागराजायात नं सनेहे मफयेक मन्त्र चिना  
थम जोना सुनानं मखक पिहाँ वया मृगस्थली वना  
नवनागराजापि आसन याना क्वातुक फैतुना कानफत्ता रूप  
गोरखनाथ योगी स्थीरासनं तपस्या यात ।



थनंनिसे नेपाले जल वृष्टि मजुया सकलया हाहाकारं  
दुःख जुल ।

थुलि गोरखनाथ कानफत्ता योगीघागु खँ जुल ।



थनंलि खवप देशया नरेन्द्रदेव राजायागुखँ ।

नेपाले जल वृष्टि मजुसेलि देशबासी प्राणि सकलया  
नयेगु तोनेगु छुं मदया हाहाकार जुया दुःख जुल ।

थनलि देशबासी प्रजागणपि सकले मुना नरेन्द्रदेव राजाया  
थास वना विन्ति यात ।

भौ राजन भौगु नेपाले देशस जल वृष्टि मजुगुलि सकल  
लोकया हाहाकार जुल । आः गथे याय्, छपाय माल छलपोलं  
विचार याना बिज्याहुँ । गथे प्रजागणपिसं विन्तिया वगु  
न्यना राजाया मनस धन्दा कया आज्ञा द्यका बिज्यात ।

हे प्रजागणपि, न्हापा--न्हापा जल वृष्टि मजु बले छु छु  
उपाय यात, छु याना जल वृष्टि जुल । छुं छगू मज्जीकं गथे  
भवस्य ज्वी मखु । भौगु देशयापि वा मेगु देशयापि स स्यूपि  
गुरुपि निमन्त्रणा याना देव-देवतापिनिगु पाठपूजा याका शान्ति  
स्वस्ति याकी, उकियात माःगु खर्च यकी धका खर्च विया  
छोया देव-देवीपिनिगु पाठपूजा याका शान्ति स्वस्ति  
याकल । अथयनं जल वृष्टि मजुसेलि हाल प्रजागणपि राजाया  
थास वना विन्ति यात ।

भो राजन् ! छलपोलया आज्ञा थें स स्यूपि गुरुपि तथा  
पाठ-पूजा शान्ति स्वस्ति याका नं छुं उपाय लगय् मजु, वा  
मवःगुलि घाँजामा हे बुया मवल पशुपक्षि इत्यादि प्रजागणपि  
नये तोने मखना आपालं सिना वन । देशे तच्चोक हे हाहाकार  
मचे जुल । भो राजन् ! न्हापा छलपोलया वौया पाले नं गथे हे  
जल वृष्टि मजुया हाहाकार जुस्यंलि सर्वज्ञ गुरु श्रीशान्तिकर  
वज्राचार्ययागु शरणे वना वसपोलयागु उपदेश पूर्वक ज्या  
यासेलि जल वृष्टि जुया सकल लोक उद्धार जुल धका वृद्ध  
वृद्धीपिसं घाल । आः नं अथे हे याये माली ला छु ? भो प्रभु !  
गथे अनावृष्टि जुया अनिकालं जुसेलि सु जक वचे ज्वी घी,  
सकलें मृत्यु जुया वनी । छलपोलं बाँलाक विचार याना  
बिज्याहुँ । गथे पुयार्वार प्रजाघणपिसं विन्तियावःगु खँ न्यना



राजाया मनस भालपु । हे दैव आः जि गथे याये, विनां जल वृष्टि मज्जीकं अन्नवस्तु दैमखु, अन्न मदकं लोकपि प्रतिपाल ज्जी मखु । आः थथे चोना मजिल सर्वज्ञ गुरु श्री शान्तिकर बज्राचार्ययागु शरणे बना वसपोलयाके बिन्ति याना उपदेश कया, शान्ति स्वस्ति मयास्ये जल वृष्टि ज्जी मखुत धका मती चिन्तना याना, मन्त्री सहित प्रजागण पित्त आज्ञा दयका बिज्यात ।

हे प्रजागणपि ! आ, भीगु थव देशस जुगु दुर्भिक्ष शान्त यायत न्हापा शान्ति याना बिज्याहु सर्वज्ञ गुरु श्री शान्तिकर बज्राचार्य विना मेपिस फेमखुत । अथय कारणे भीपि सकल गोपुच्छ पर्वते श्री शान्तिकर गुरुया थासे वनेनु धका सहहा याना, राजा मन्त्री सहित सकल प्रजागणपि मुना गोपुच्छ पर्वते बना, न्हापा श्री स्वयम्भू ज्योतीरुप बुद्ध दर्शन यान स्त्रोत्र पाठ पूता याना, अनलि शान्तिकर बज्राचार्यया अग्रसा बना आदरभावं सत्कार पूजामान्य याना नमस्कार याना, राजा मन्त्री सहित सकल प्रजागणपिसं छत्राख्यरं चाः उला थव वेल्स श्रीशान्तिकर बज्राचार्य नरेन्द्रदेव राजायागु ख्वाः सोया आज्ञा दयका बिज्यात ।

भो महाराज नरेन्द्रदेव ! थौं अकस्मात् छलपोल थन बिज्यात, जुया कारणे बिज्याना ? आज्ञा दयका बिज्याहु । थथे श्रीशान्तिकर बज्राचार्य गुरु आज्ञा दयका बिज्यागु न्यना राजा मन्त्री सहित सकल प्रजागणपिसं विन्ति याना धाल ।

भो सर्वज्ञ महागुरु शान्तिकर बज्राचार्य ! जिपि थन वयागु मेता कारणे मखु, भीगु देशस जल वृष्टि मज्जीगुलि दुर्भिक्ष जुया

सकल लोकपिनि नयेगु तोनेगु छुं मदया हाहाकार जुया महादु ख कष्ट नया मृत्यु जुया वन । भो प्रभु ! थव दुर्भिक्ष शांतयाय धका अनेक देवतापिनेगु पाठ पूजा याका शान्ति स्वस्ति याके धुन अथे नं छु भतिचा हे सीमदु । भो करुणात्मो दैव तुल्य जुया विज्याह्व सर्वज्ञ महागुरु ! छलपोल सकल लोकयागु उपरै दया तया याकन जल वृष्टि ज्जीगु कर्म-कर्म शान्ति स्वस्ति यायगु उपाय आज्ञा दयका बिज्याहु । थथे राजा मन्त्री सहित सकल्यान विन्तियागु न्यना श्री शान्तिकर बज्राचार्य राजायात आज्ञा दयका बिज्यात ।

भो राजान् ! छलपोल यायगु दको पाठ-पूजा शान्ति स्वस्ति याके धुंकल, अथयन जल वृष्टि मज्जीगु छाय धाः सा उकीया कारण छगू दु । थव खं जि कने न्यना बिज्याहु ।

भीगु नेपाल देशे श्रीकरुणामयया शिष्य, नागोयणया अंश, गोबरं जन्म जुया गोरखनाथ धका प्रसिद्ध जृह्ण कानफत्ता योगी छम्ह वया, मृगस्थली बना नवनागराजापित्त आसन याना तपस्या याना च्चन, उकिं जल वृष्टि मज्जुल । विनां थव गोरखनाथ योगी दना मवेकं न्हाको शान्ति स्वस्ति यासां जल वृष्टि ज्जी मखु । थथे गुरुया आज्ञा न्यना हानं राजा बिन्ति यात ।

भो गुरु सर्वज्ञनाथ ! थव योगी थनाछोयेत छु उपाय यायमाली बिन्तिभाव याना जीला अथवा बलात्कारं शस्त्रास्त्रा कयना ख्याना जीला, छु जत्तन यासा दना वनी ? थथे धका राजां बिंतियास्यलि हानं श्रीशान्तिकर बज्राचार्य आज्ञा दयका बिज्यात । भो राजन् ! थव श्री करुणामयया शिष्य गोरखनाथ



योगीयात भीसं विन्तिभाव यासां बलात्कार यासां शस्त्रास्त्रा क्यना ख्यासां हेकुसां विनां श्री करुणामय लोकनाथ नेपाल देश मविज्याकं दना वनी मखुत । अथवा कारणे थव योगी-यात भनेत श्रीकरुणामयया अंश लोकनाथयात थन नेपाल देश हयगु ज्या याना विज्याहुँ । थथे गुरु श्री शान्तिकर बज्राचार्य आज्ञा दयका विज्यागु न्यना नरेन्द्रदेव राजां भिखास खोवितया विन्ति यात ।

भो गुरु ! थव जा त थंगु ज्या जुल । श्री लोकनाथ थुगु समये गन विज्याना चोन, वसपोलयात थन नेपाले सुनां हैगु, गथ्य यायगु धका विन्तियासेलि शान्तिकर गुरुं आज्ञा दयका विज्यात ।

भो राजन् ! हताय चाया विज्याय मते, श्री लोकनाथ थौकन्हे कामुनी धैगु क्षेत्र २४ गू कोटि यक्षगणया राजा शशी धेमह यक्षराजया स्त्री ओपाल पुण्य दुम्ह माया धेमह यक्षणीया ५०० म्ह काय पिनि मध्ये दकसिवे ककालिमह काय जुया बाल लीला क्यना च्वन । वसपोलया प्रभावं व कामुनो क्षेत्र सुथे वा पिनागु न्हिने पाके जुया अन्न नयेत प्रशस्त दया व देशवासी सकल लोकया सुखआनन्द जुया चोन । थवहे श्रीलोक-नाथयात जतन याना थन नेपाल देश विज्याकेव थव गोरखानाथ योगी दना वनी अले तिनी जल वृष्टि जुया अन्न इत्यादि नयेगु तोनेगु प्रशस्त दया सकल लोकया मन आनन्द जुइ । थथे शान्तिकर गुरुया आज्ञा न्यना हानं नरेन्द्रदेव राजां विन्ति यात ।

भो सर्वज्ञ गुरु ! कामुनी क्षेत्र धैगु गन, गुगु दिशाया सुनां स्यू गथे याना वने सुना बोना यंकी, न्हागु जतन यानानं श्रीलोकनाथ

थन विज्याके माली थथे अनावृष्टि ज्वीका प्रजाया दुःख जुगु सोया मयासे जि राजा जुया चोनां छुयाये, जित सकसिनं छु जतन महापापिह्व राजा धका मधाइला । भो गुरु ! वसपोलं लोकनाथ थन विज्याकेगु ज्याय कृपा तया विज्याहुँ । थथे नरेन्द्रदेव राजां विन्ति याःगु न्यना श्री शान्तिकर बज्राचार्य जि विचार याना सोये धका धया ध्यानागार (शान्तिपुर) स ब्रह्म विज्याना जातिस्मरण थगु समाधि योगस चोना ध्यान याना न्हापायागुपूर्व जन्मया ख दको लुमका ध्यानागारं शान्तिपुर) प्यहाँ विज्याना राजायात आज्ञा दयका विज्यात ।

भो राजन् ! श्री लोकनाथयागु खँ न्यना विज्याहुँ । न्हापा जिगु पूर्व जन्मस हसपीठदोल थगु थास (थौकन्हे म्हेपी दों धाड) अत पीठे वना जि यागुश्वर श्रीयोगाश्वरयागु सेवा याना सिद्धिया लागी बखत-बखते पुरस्करणादि नं चोना, थुगु प्रकारं न्हिथ वना सेवा याना चोना । छन्हु जिहि काय १०६ दुम्ह मचा जिगु ल्यूल्यू वःगु मखना । जि पीठेश्वरी मातृका देवीपिन्त यकचितं पूजा याना ऋद्धि सिद्धि फोना चोना । थव बेलस पीठेश्वरी मातृका देवीपि प्रकट जुया थाल । हे महापुरुष ! छंगु भाव भक्ति पूजा खना जिपि कृताथ जुल थौं छत वरदान बीगु दिन, छं जिमित भोग हिंसा) व्यू । थथे मातृका देवीपि प्रकट जुया भोग व्यू धागु न्यना जि विन्ति याना । भो श्वरीपि ! क्षमा याना विज्याहुँ, जि हिंसा कर्म मथाना । थन पासुत न मदु, जि सु भोग बिये, क्षमा याना विज्याहुँ । छल-पोलपिके जिगु सहस्रकोटि बारंबार विन्ति धका विन्ति याना चोना ।



हानं देवीपिसं आज्ञा जुल। भो मानव। थौं छं जिमित भोग मविसैं मज्यू, आम छं लिउने चोंम्ह भोग व्यू। थथे धागु न्यना लिफ स्वयावले थः हे काय लिउने चोना चोंगु खन, छुयाय छुयाय जुल खोया विंति याना। भो इधरीपि! क्षमा याना बिज्या हँ, जि दत्त फत्त थव हे याकः काय् छम्ह दु, जि गथे याना भोग बागु।

पीठ देवता पिसं आज्ञा जुल। भो मानव! आम मचा छ पुत्र मखु, साक्षात् श्राकरूणामयया अवतार खः। कालान्तरे नेपाल दशे बिज्याना जगत उद्धार यायुत पुसा जक तः बिज्याम्ह खः छं सीकि। काय् धका हाला चोने मते, जिमित भोग व्यू। जिमित ला, हित्रक भोजन यायगु केँ जक थवहे पीठे थुनांता कालांतरस थव हे केँ यागु पुसा कया श्रीलोकनाथयागु मूर्ति दयका नेपाल दशे रथ यात्रा गुई तिनि। अले थव नेपाल दशे सदां सुभिक्ष जुया अन्न वृद्धि ज्वी, अले सकल लोकपिनि महाआनन्द सुख ज्वी।

थव रथ यात्रायात सु अज्ञानिं हेला याइ उम्ह आज्ञानिया आयुर्दा छिन्न ज्वी, हानं मेगु जन्मे नं महदुःख ज्वी। थथे मत्तका देवीपिस धागु ख न्यना जि विन्ति याना।

भो मातृका देवीपि? अथे जूसा जि छुयाय् लोक रक्षाया लागी कया बिज्याहुँ धका याकः काय् भोग बिया।

श्वबेलस मातृका देवीपिसं ला हि जक भोजन यात थवें जक जि नमस्कार याना अन हे पीठे मभिस थुना गुप्त याना हानं विन्ति याना। भो मातृका देवीपि जि पुत्र गबले दर्शन-

याय दइ? देवीपिसं आज्ञा मजू दुने बिज्यानाचोंम्ह श्रीयोगी मपर आज्ञा दयका हल।

हे मानव! कालांतरस छं शिष्यं श्री लोकनाथ थन नेपाल मण्डल बिज्याके। अले छ दर्शनयाय् दइ? थन वा धका आज्ञा जुया जित अष्टसिद्धि वर प्रसाद बिया बिज्यात। थुलि गुरया आज्ञा न्याना राजाया मनस हर्षोत्सुक याना मुसु मुसु हिला विन्ति यात।

भो गुरु! अथ्यजुस्यलि थुगु कार्यस विलम्ब याना बिज्याय मते, माक धन खर्च यायगु भाल जिगु जुल। श्री लोकनाथ थन बिज्याकेत छुछु याना बिज्याय माःगु खः व दक्क छलपोलं तत्कारणं याना बिज्याहुँ। थथे राजाया वचन न्यना गुरुं शान्तिकर बज्राचार्य यँ देशे च्वंम्ह थः शिष्य वन्धुदत्त बज्राचार्य-यात सःतके छोट।

थनलि वन्धुदत्त बज्राचार्य वया गुरुयात नमस्कार याना विन्ति यात।

भो गुरु! जितः छाया सःतके हे बिज्यानागु जि छु याय माल आज्ञा दयका बिज्याहुँ। थथे थः शिष्य वन्धुदत्त बज्राचार्य विन्ति यास्यलि गुरु शान्तिकर बज्राचार्य आज्ञा दयका बिज्यात।

हे शिष्य वन्धुदत्त, छ व राजा निम्ह कामुनि क्षेत्रे बना शशी धेम्ह यक्षराजाया ५०० म्ह काय् पि मध्ये दकले बीधिकम्ह ३२ स्वीनिता लक्षणं पूर्ण जुया लोक उद्धार याय या कारणे यक्षया कुले जन्म जुया बिज्याम्ह श्री करूणामयया



अंश लोकनाथयात बौद्ध तन्त्रराजेश्वरया सिद्धान्त नामा  
प्रकारया ऋद्धि पिकया शान्ति स्वस्ति याना यक्षगणपित  
सन्तोष याना वसपोल लोकनाथयात थन भीगु नेपाल देशे  
विज्याके माल। श्व ज्याय् छ बिनां मेपिसं फेमखु उकि छन्त  
सःतके हया। थथे गुरू धा गु वचन न्यना बन्धुदत्तया मतीं  
बिचार यात। अहो दैव, श्व ज्या ला चीधगु मखु तःधगु हे  
जुया च्वन। ह्या धाय् ला धाःसा गुरूया वचन लघनां यायगु  
जुल। न्याः धाय् ला धाःसा वने फे वा मफे, ध्यानं छकोनि  
सोये धका गुरूया ध्यानागारे द्रहाँ वना जातिस्मरण धयागु  
समाधियोग यास्यलि न्हापा पूर्व जन्मयागु खं लुमना वल।  
गथ्य धाःसा; अहो जिला न्हापायागु पूर्व जन्मस कपिल  
थेगु देशे विश्व धैम्ह वाम्हण जुया शास्त्र पारंगत जुया  
बुद्धयागु ज्ञाने चोना नेपाल मण्डलस वया श्री स्वयम्भु  
श्री गुह्योखरी दर्शन याना तीर्थ सेवा पीठ सेवा याना  
शमशान पति चाःहिला योग ध्यान याना अष्टसिद्धि लाना  
ओदियानाचार्य धैगु नां प्रख्यात जुया लिपा कच्छेपाल  
पवंतस स्थीरासन चोना तपस्या याना बले वसुन्धरा देवी  
विज्याना दर्शनबिया बिज्यात, हान क्षितिगर्भ बोधिसत्त्व  
विज्याना घाल छं लिषाया जन्मस गुरू जुया थःगु ऋद्धि  
प्रकाश याना लोकनाथ श्री आर्यावलोकितेश्वर करुणामय  
थुगु नेपाल देशस बिज्याके मानी। वसपोलयागु रथ यात्रा  
दयका सकल लोकयाँत कयना देशोउपद्रव बिघ्न दक्क मदयका  
सम्पूर्ण ज्या सिध्द ज्वी व उगु समये छ श्री करुणामययागु  
शरीरे लीन जुया निर्वाणपद हुँ धका जितः थुलि खँ अज्ञा

दयका लोहते लीन जुया बिज्यात। थौं या अद्यापि चोभाले  
बिकमेश्वर धैगु बैतराग दनी। आः जिगु भाग्य थगु जन्मस  
साधुगु मौका वल, जि तरे ज्वीगु अवस्था थयन धका पूर्व  
जन्मयागु खँ लुमंका मने हर्ष मान याना ध्यानगारे दना प्याहाँ  
वना गुरुयात बिन्ति यात।

मो गुरू छलणोलया आज्ञा निश्चय नं यायगु जुलः नरैन्द्रदेव  
राजा नाप वप्पा श्री लोकनाथ थन नेपाल देशे बिज्याकेत जि  
वनेगु जुल। थथे धकाबन्धुदत्त बिन्तियागु न्यना शान्तिकर  
गुरू आज्ञा दयका बिज्यात।

हेवत्स बन्धुदत्त! भिगु ज्याय् आमध्ये शुभा जुयमा, छंगु  
ऋद्धिसिद्धि प्रकाश याना हुँ, थुलि धया हान राजायात धाल।  
मो राजन नरैन्द्रदेव, आ थुगु ज्याय् बिस्तारयाय् मते  
बन्धुदत्त गुरू चोना वनेगु स्वः। थथे गुरूया वचन न्यना  
बन्धुदत्त वज्राचार्य, नरैन्द्रदेव राजां थुगु ज्याय् जिपि वनेगु जुल  
धका बिन्ति याना अन वनेत मा-गु सकतां न्यना कना बन्धुदत्त  
छं लिहाँ वन। राजा नं मन्त्री सहित प्रजागणपि सकल मुंका  
लिहाँ वया थः स्त्री रानीयात थुगु खँ कना हान मन्त्री प्रजा-  
गणपित माक ख लहाना अन्हे पन्हे याना सुवर्णया कलशादि  
पूजाया अनेक सारदाम माक्को जोरे यानालि ख्वप देशया  
नरैन्द्रदेव राजां यँ देशया बन्धुदत्त वज्राचार्य, यल देशया थःगु  
बुँज्या याना चोम्ह रथचक्र किसानि निमन्त्रणा याना  
कामुनी क्षत्रे वनेत भिगु शुभ दिने बन्धुदत्ता वज्राचार्य गुरू  
याना, नरैन्द्रदेव राजा जजमान जुया, रथचक्र किसानि  
परिया याना थुपि स्वम्ह स्यां स्वस्ति मङ्गलयाना सगँकया



श्री गुरु शान्तिकर वज्राचार्ययाके बेला कावन ।

थ्व बेलस गुरु शान्तिकर बाजाचार्य थुपिं सोम्हं स्वस्ति मंगल याना वःगु खना थुमित आशीर्वाद बिया बिज्यात । हे शिष्यपिं, छिमिगु ज्या तत्कारण सफल ज्वीमा, विघ्नो-पद्रव दक नाश जुया दुष्टजन सुनानं छुं याय् मफ्य मा तन्त्रराजयागु सिध्दिया बलें याकनं श्री लोकनाथ दर्शन याना थन नेपाल देशे हया रथ जात्रा दयका क्यने फयमा, सकलया जय जय ज्वीमा ।

थथे गुरू व्यूग शुभाशीर्वाद फया सोम्हसिनं तथाऽस्तु धका गुरूया चरणस प्रणाम यानालि श्री त्रिरत्न स्मरण याना, लोकनाथ नेपाले हयेत कामुनि क्षत्रे वने धका प्रस्थान याना वन ।

थनलि वचं छगू पर्वतया चोसं थ्यन उगु शास कर्कोटक नागराजा मनुष्यया रूप कया लेंया दध्वी देना चोन । थ्व बेलस जुजुं महापुरुष छम्ह लेंपु पना देना चोंगु खना धाल । भो महापुरुष, दं जिपिं वनेत लं भत्तीचा चिलाव्यु, थथे सोकः प्यक, तक धालनं व देना चोम्हस्यां छुं नं मथाः लं न चिला मव्युसीलि जुजुं तंपिकया हानं हका धाल, अरैरे मार्ग बन्धक, छ सु ? लें वने मत्यो धका मस्यूला, छं ग्हायेपनं मनाला छु ? छत सोकः प्यकः धाय धुन छुं हे मथाः लं नं चिला मव्यु, जिपिं तःधोंगु ज्या वनेत वयापि लचिला वीगु खःसा व्यू मव्युसा वालात्कारं जिमिसं थने । थथे राजां हका धाःगु न्यना महापुरुष बाथाक दना मिखा ततः गो ज्वीक कना जुजुया ख्या तुं क स्वया तमं धाल । हे पुरुष, छं

जितः म्हस्यूला छं स्वया सुथे चों, चलात्कारे छु याय कु काया, छिपि थुगु लेंपुं वैगु कारण छु जिं लः चिला बामखु । थथे महापुरुषया क्रोध वचन न्यना जुजुं हानं धाल । भो महापुरुष छि सुज्वी, जिमिसं मस्यू, जिपिं थुगु लेंपुं वैगु कारण छाय धाःसा थन नेपाल देशे जल वृष्टि मजुया सकल लोकया महादुःख जुल, उकीं श्री लोकनाथ थन नेपाल देशे बिज्याका सकल लोकयात उद्धार थायेया कारणे कामुनि क्षत्रे वने धका थुगु लेंपुं वया । थथे जुजुं धाःगु ख न्यना व महापुरुष तम तमं हानं धाल । हे पथिकत ! थ्व नेपाल देशया जिगु जग्गा थुका छिमिसं श्री लोकनाथ हया गन बिज्याके त्यना ? जिगु जग्गाय लोकनाथ बिज्याकेत जिं के न्यने म्वाला ? थुगु लेंपु छोये मखु, लिहां दुँ, मखुसा छिमिगु प्रान वनी । थुलि धया थःगु स्वरूप कर्कोटक नागराजायागु रूप धारणा याना अति भयङ्गर तःधिक जुया फणाकया कुई कुई सासः पिकया चमि च्वाला च्वालां लुया चोन ।

थ्व बेलस व भयङ्गर मूर्ति नागराजायागु रूप खना जुजु व भरिया निम्हं त्राहि जुगा ग्याना म्ह थरर खाका लिचिला छुव्ये अलग चोना श्री लोकनाथयात लुमंका चोन ।

थनलि बौद्ध तन्त्रराजेश्वरया महाप्रज्ञा गुरु भन्धुदत्त वज्राचार्य धाल । भो भुजङ्ग, कर्कोटक नागराज ! हे मस्व क्षेमस्व, कोप याना बिज्याय मते, जिपिं छलपोलयाके न्यनेत हे थुगु लेंपुं वयागु खः, छपिं बहुरूप छपिं खना जिपिं त्राहि त्राहि जुल न्हाचः धासा मनुष्यया रूप जुया देना बिज्यात; आः धाःसा नागराजाया रूप जुया तःधिक जुया विज्जात । हानं



चीधिक जुइफु धागुनं न्यना तयागु दु । धन्य धन्य जिमिगु भाग्य छलपोलयागु वासस्थाने वने स्वायक थन हे जिमिसं दर्शनयाये दत्त । भो कर्कोटक नागराज ? आः जिमिसं छल-पोलयागु तःधिकगु रूप दर्शन यायधुन, चीधिकगु रूप दर्शन यायमधुनि छलपोल महावीरम्ह खः छलपोल जिमित चीधिकगु रूप दर्शन बिया बिज्याहुँ । थथे बन्धुदत्त वज्राचार्य धागु वचन न्यना कर्कोटक नागराजां फकोन चीधिक जुया सँगुप्रमाण जुया क्यन । उगुसमये बन्धुदत्त वज्राचार्य मन्त्र सिद्धियागु बलं काचाक जोना तमनांचा वत्ता छगलेतया ताडन तया कुना यन । श्ववेलस कर्कोटक नागराजा बीरजुसां छुँ याय मफया तमनां वत्ताया दुनेचोना बिलापयाना धाल । धन्य धन्य मनुष्ययागु बुद्धि जिथिजाम्ह नागयात छत्रेयाना कुना बिल, छलपोल थुजोम्ह धका जि सिलः नि तिर्यक जाति अहंकारी जुया थुगु कष्ट नयमाल, जि सासः कुना सीन, जित सास्तियायगात पुसा उला बिज्याहुँ जि छलपोलया दास जुल, पृथ्वी सत्य, आप सत्य, अग्नि सत्य, वायु सत्य । आकाश सत्य छपिसं धाःथे जि चोने । थथे नागराजां सत्य वाचायाना धाःगु न्यना बन्धुदत्त वज्राचार्यया करुणा घना ताडन लिक्का पुसाउला भूमिस तया बिल । नागराजा वत्तां पिहांवया थीकगु रूप जुया विन्तियात । भो गुरु ? धन्य छलपोल खना जिगु मने त्रासजुल, श्रीलोकनाथ काःवनेगु ज्याय जि नं मदत बी, जित नं बोना यंका बिज्याहुँ थथे नागराजायागु वचन न्यना बन्धुदत्त वज्राचार्य खुसिजुया सुवर्णया कलशे त दहन तीर्थयागु लखं पूर्णयाना नागराजा यातनं तया चोने स्वानं तोपुया रथं चक्र भरिया यात धाल ।

हे रथंचक्र ? छं थ्व कलश गोत्वीके मने वांलाक बिचाःयाना कोविनानु धका थुलि धया नाग राजा सहित थुपि अन प्रस्थानयाना वन ।

थनं लि ले ववं जजु व भरिया निम्हस्यां मती अहो थ्व गुरुजा सामान्य मनुष्य मखुं खनी धन्य धन्य गुजोगु पुरुषार्थ गुजोगु तन्त्र मन्त्र यागु ऋद्धि सिद्धि दुम्ह धका मने ख ल्हाना ववं शिला नदी थ्यन । श्ववेलस जुजु थ्व नदि यागु स्वभाव सीका गुरुयाके विन्ति यात ।

भो गुरु ? भीपिं थन वैगु ज्या व्यर्थ गुल, छायाधासा थ्व नदी पारयाना वनेत तापु मदु, लखं वने मज्यू आः गथेयाय ?





थथे जुजुं चित्ति यासैलि गुरू बन्धुदत्त बज्राचार्य कलशे-  
चौम्हनागराजा पिकया आज्ञादयका बिज्यात ।

भो नागेन्द्र ? जुजुं धागु खँ सिल मखुला, भीपि थव  
सिला नदी गथेयाना पार वने ? थनयागु ज्या छपिसं याय  
मागु जुल । थते गुरूया आज्ञा न्यना कर्कोटक नागराजां  
गुरू व राजायागु खा सोया थुगु नदी जि तरैयाना बी  
छपिसं छुं धन्दा के बिज्याय स्वा धका थुलि धयालि अती  
तःधिक जुया वारी न्हिप्यनं चुया फणाकया तिहुया पारी  
शिरं चुया थःगु म्हे लखं मथीक ताछागा तःधंगु तापुथे  
चौक यिता थितास चुया धाल ।

भो गुरू ! छपि राजा, रथचक्र सहित जिगु म्हेस न्हुया थुगु  
नदी पार तरैयाना बिज्याहूँ । थथे नागराजा धासैलि गुरू  
राजा भरिया, सोम्हं नागराजायागु म्हे न्हुया थुगु सिला-  
नदी पार वन ।

थनलि नागराजां थगु न्हिप्यं पारी प्वीका काःबले  
न्हिप्यंया चोका छकू नदी दुना लोह जुया तोधुला कुतुंवन,  
अनन्तिसै व नागराजाया न्हिप्य थुथा जुल । अले व नाग-  
राजां थःगु न्हिप्यं थुथा जूगु खना आवलि नागराजा धाक्या  
जिथे न्हिप्यं थुथा ज्वीमाधका थथे प्रतिज्ञा यात । उका  
नागराजा धाक्या न्हिप्यं थुथा जुल ।

थनलि प्यम्हं सिला नदी पार तरै जुया थनं नं प्रस्थान  
याना वं वं कथ नं कामुनी धैगु देशया समीपस ( कामरूपी  
धैगु पीठस ) थयसैलि प्यम्हं छगूःथासे विश्राम याना आः  
भीपि थन राक्षसया देशे थयन, आः थव देशे द्राह्मं वनेत छु

जत्तन याना वने, थव देशबासी राक्षसगणपित्त छु याना  
घोघयाय धका जूजं सलहा साहुती यात ।

थव बेलस गुरू बन्धुदत्त बज्राचार्य जजुयागु सलहा  
साहुति वचन न्यया आज्ञा दयका बिज्यात । हे राजन् !  
छलपोलं छुं धन्दा कया बिज्याय मते जि जत्तन याना  
राक्षसगणपित्त नयगु तोनेगु—लोभ कयने अले भीगु बशे  
वं । प्राणी धयापि सकलें नयेगु तोनेगुली भुले जुया चोन ।  
उनीं पसुगणपि शृष्टि याना थव राक्षसगणपित्त नकेगु तौकेग  
जोना वने थका धया स्वाः छगः कया मिखा तिसिना मन्त्र  
बोना लहाः बोबोस्याना गिलि गिलि याना हाकुतिना भूमिस  
वांछोया बिल, तुरून्त द्रुछि दुगु शृष्टि जुल । हानं स्याबजि  
छगः कया अथ्य हे याना वांछोत, द्रुछि फे शृष्टि जुल, हानं  
माय् छगः कया अथ्य हे याना वांछोत, म्ये द्रुछि शृष्टि  
जुल । थुगु प्रकारं ३००० सोदो पसुत शृष्टि याय धुंका  
कर्कोटक नागराजायात आज्ञा दयका बिज्यात ।

भो भुजगेन्द्र ! छलपोल सूक्ष्म रूपं वना राक्षसगणया राजा  
शशी धम्ह यक्ष राजया शरीरं प्रवेश जुया रोग उत्पत्ति याना  
व्यु धका अहं यात । नागराजा गुरूया आज्ञार्थ्यं वना शशी  
यक्ष राजायागु शरीरं प्रवेश जुया शूलया रोग उत्पत्ति याना  
बिल । थवेलस शशी यक्षराजायात शूलया रोग पीडा जुया  
प्वाः स्यागु सहयानां सहयाय मफयां खारा खारातुला के के  
तुतु छुं हालेगु समर्थ मन्त्रया खा वंचुसे चौका चति सो  
सो वयेका बराबर मूजां जुया खाउँहे चाना थथेहे प्राण  
वनोम्ह तुल्य जुया चोन ।

उगु समये यक्षराजाया सेवकपिसं अनेक सः स्यूपि वैद्यत




सःता हल, अले व वःपि बैद्यतसें श्रीपञ्चरक्षाया विधानं न्हापां  
 ( देवचिकित्सां ) तन्त्र-मन्त्र प्रयोगयाना लः जपा भारेयात, हुं  
 सीमदु । हान ( नाग चिकित्सां ) हिती, तूथी, खुसी, बुंगाले  
 पुखुकी, देवालये पर्वा हायकेबिल. अथ्यनं हुं सी मदु । हानं  
 आसुरी चिकित्सा धाय ( दैत्य चिकित्सा ) शरीरेमुल् सुया  
 हि लिकया, प्वाथे दुने घाः जुल, कै वल धका खि, चो परीक्षा  
 याना वास यात, भन् रोग बढेजुया जुया वल । हानं  
 ( मुनि चिकित्सां ) अनेक जडीबूटी मिले याना कांढा चुर्ण-  
 रसादि आदि वासः नका, तोंका घ्यो, चिकं वासः व्वीका सोत  
 अथ्वनं रोग हुं सी मदु । हानं [ भूत चिकित्सां ] चोकाबजि,  
 कः, लाभा, छाः, सों ला, हि, दुरु, धौतया पिखालखुस, छ्हासे;  
 खुसी बौतयकल, अथ्यनं रोग शान्त मजू । हानं ( प्रेत चिकित्सा  
 सीकयागु दोषं जुल ज्वी धका खुसा बौ तया को, खिचा यात  
 नका सोत, अथ्यनं रोग हुं शान्त मजू । हानं ( राक्षस  
 चिकित्सां ) जा थुया भ्यगते तया ह्ये, न्या, ला, हि, धौ, लः  
 सहित तया प्यांगू लपुया दुवाते, श्मशाने बौ तयके छोट.  
 अथ्यनं हुं भतीचाजकहे रोग शान्त मजू । हानं डांकिनीयागु दोषं  
 पर दोष जुल धका छे छ्वां ध्रुप थना ताडनतया प्वाथे भारे यात  
 भन् भन् रोग बढेजुया वल । हानं सःस्यूपि ज्योतीष कयना  
 नवग्रह फायका इष्ट देवता आदि पूजायाना शांति-स्वस्ति, पाठ-  
 पूजा, होमक्रिया याना कुमारी मन्त्र त पूजा याना भोजन याका  
 सन्तोषयात, अथ्यनं रोग भतिचाजकहे कमला भन् भन्  
 बढेजुया वगु खना शशी यक्षराजाया स्त्री मायाराक्षसी आदि  
 वया जाहानपि सकल यक्षगणपिनि मने त्रासजुया आः

लुयाये ध्व रोग लायि मखुत अबश्यनं मृत्यु ज्वीगु जुल धका  
 धन्दाकया चोन ।

थुगु बखते बन्धुत्त गुरु, नरेन्द्रदेव राजा, रथचक्र भरिया  
 थपि स्वम्हं शुरा जुया दुगु, फै, म्ये ख्याना मग्यासे यक्षराजा-  
 यागु ध्वा खास थ्यंक वन । ध्ववेलस अन ध्वाखास पाःचोना  
 चोपि यक्षपिसं खना न्यन । हे मानवपि ? छिपि सु, गनं वयापि,  
 सुनां छोया हःपि, थन वैगु कारण छु ! थथे ध्वाखास पाः  
 चोना चोपिस धागु न्यना बन्धुदत्त धाल ।

हे यक्ष द्वारपालकपि ! जिपि परोपकारी बैद्यत खः थन  
 शशा यक्षराज दर्शनयाना ध्व पशुगणपि दुग फै म्ये भवा





चढेयाये धका वया राजायात खबर थ्यंकाव्यू । थवते परदेशी मनुष्यया भाषा न्यया द्वारपालकपिसं राजा मन्त्री सकल मुना चोँथाय् वना परदेशी मनुष्यं धाःथेँ सकतां खँ कन । थव खँ न्यना रोगीमह यक्षराजा हथाय्चाया धाल ।

हे द्वारपालपि ! आम बिदेशी वैद्यत याकनं थन बोना हति । थते राजाया बचन न्यना द्वारपालपि लिहाँवना बिदेशी वैद्यपित राजायाथाय् बोनायन ।

थवबेलस बिदेशी वैद्यत बन्धुदत्त, नरेन्द्रदेव रथचक्र थुमिसं थःपिसं जोना वयापि म्ये १००० द्रछि, फे, १००० द्रःछि, दुगु १००० द्रछि जम्मा ३००० सो द्रो पसुत चढे योना शशी यक्षराजा दर्शन यात ।

थनंलि बिदेशी वैद्यया मुख्यमह बन्धुदत्तं बित्तियात । भो शशी महाराजा ! छलपोल जिमित करूणातया बिज्याहुं, छलपोलयात छु रोग जुयाचोन, गथे गथे जुल थथे बिदेशी वैद्य धाःगु न्यना यक्षराजां धाल ।

हे बिदेशी वैद्यराजपि ! जित छु रोग जुल छु रोग जुल, प्वाः जक स्यायिगु, अनेक चिकित्सा याका सोयधुन, छुं हे सी महु, अथवा जि मृत्यु हे ज्वीगु जुलला मस्यू छलपोलपिशं छकः जित यथार्थ रूप बाँलाक ध्यानतया सोया बिज्याहुं । थथे यक्षया राजां धाःगु न्यना बन्धुदत्तं बित्तियात ।

भो यक्षराजा ! छलपोलयागु नाडी छकः स्वे, साध्यासाध्य जि विचाः याय् । थव खँ न्यना यक्षराजां लहाहा बिल, बन्धुदत्त गुरुं नाडी सोया लुसि, मिखा, मे, प्वाथे सोया बिचार याना बित्तियात ।

भो शशी महाराजा ! जि छलपोलयागु रोग बिचायाना सोयेधुन मृत्यु ज्वी मखु, साध्य हे ज्वी तिनी, आः जिमिसं प्यन्हुतक रोगानुसारं वासः याना अवश्यमेव लाय्का बी । छुं धन्दा कै बिज्यायमते । थव खँ न्यना शशीराजा चित्तबुझे जुया वास याकेगु स्वीकार यात ।

थनंलि गुरु बन्धुदत्तं खुसी नागयात प्वाँ हायकेछोया मन्त्र बोना प्वाथे भारैयाना ल जपा तोंकालि रथचक्रयात जडी वूरीया काँढा दायकेबिया, नरेन्द्रदेवयात वासः मिले याका, थमं वासः जोना महाप्रत्यङ्गिराया मन्त्र लुमँका शशी पक्ष-राजायात वासः तोंकल । थुगु प्रकारं दिनया सोकः प्यन्हुतक देव चिकित्सा व मुनि चिकित्सां वासः यात । थवबेलस प्वाथे ककोटक नागराजां यानातःगु शूल रोग चिला वन । न्यानह दसेँलि मरणान्त ज्वीकप्वाथे स्याःगु रोग शांत जुल । हानं थः पिसं चढे यानापि दुगु, फे, म्ये थुमिगु मांसया रसनं तोंका तागत बिथा बल पुष्टि याना बिल हानं यक्षराजाया स्त्री आदि प्रजागणपिन्तनं पसुयागु मांस नका रस तोंका सन्तोष याना खुसि यानातल ।

थनंलि बन्धुदत्त वैद्यराजं यक्षराजायाके न्यन । भो शशी महाराज ! आःनं प्वाः स्यानिना ? थथे बिदेशी वैद्यराजं धागुः न्यना शशी राजा मुसु मुसु न्हिला धाल ।

भो बिदेशी वैद्यराज ! जि सीत्यंमहयात स्वाकाव्यूमह छल-पोल धन्य खः । जिजा सिनालि हानं स्वाना वगर्थे जुल छः पिगु उपाय द्वारा जि बचे ज्वी धुन, आः छः पिनिगु मेहनत खना जि आपालं खुसि जुल, जि व बीमा थव बीमा हे मन्त जिके दुगु



जि बीगु धया बिज्याहुँ थनथ्यांक दुःख सिया बिज्यानागु  
लुया कारणे खः आज्ञादयका बिज्याहुँ, माः गुतक सत्य ३ नं  
जि बीगु जुल । थथे यक्षराजा खुसि जुया धाःगु खँ न्यना  
सोमहसियां सहायाना बित्तियात ।

भो यक्षेवर, शशीराजन् ! जिमिसं मिथ्या खँ ल्हायमखु  
न्यना बिज्याहुँ । जि नेपालमण्डलया छम्ह षट्शस्त्री गुरु  
बन्धुदत्त बज्राचार्य धैम्ह खः । हानं जि यक्षमान नरेन्द्रदेव धैम्ह  
महाप्रतापी जुजु छम्ह थव खः । हानं जि सेवक रथचक्र धैम्ह  
गुरु भक्तिम्ह किसान छम्ह थव खः । जिपिं सोमह दुःख सिया  
थव वेगु कारण छायधासा वर्तमान भाः थुथाय नेपाल  
मण्डलस जलवृष्टि मजुया सकल लोकया महादुःख जुयाचोन ।  
उकिं जलवृष्टि यायया करणे छलपोलया ५० न्यासाः म्ह  
पुत्रमध्ये दकले ककालि म्ह पुत्र छम्ह जिमित फोने धका वया ।  
छलपोलया सत्य दु धैगु जूसा याकन बिया बिज्याहुँ, सत्य  
मदुसा जिमि छु लगेजू धका बित्तियात । थव ख न्यना यक्ष-  
राजा छक जया मती विषादयाना वधाय थवथाय मदया खलि  
सुक चोना मसै खँलहान । अहो आश्चर्य गथे फचित जीय खनी-  
हाहा धिक्कार जिगु बुद्धि, जि प्राण तुल्यम्ह पुत्र गथे बीगु, आः  
छु धायगु, जि त्रिसत्य यायधुन धका मनं खँ ल्हाना हानं  
जवाफ विळ ।

हे वैद्यराज ! थव देशेनं जिं चीधिकम्ह पुत्र जन्म जुसेलि तिति  
मङ्गलोदया जुया सुलक्षणं पूर्णजुल, वखत बखते जलवृष्टिजुया  
अन्न वृद्धि जुल, सकल प्रजागणपिं प्रतिपाल उद्धार जुल ।  
उकिं थव छता धायमते मेगु धा, केवल जि पुत्र हे माः धैग

जूसा मेपि बी, छम्हजकजा छु निम्ह सोम्ह हे बी, हानं जिके  
दुगु मे मेगु छु माः धा जि धाः धागु पुरेयाना बिया छव्य ।  
थव ख न्यना बन्धुदत्त गुरुं धाल ।

हे यक्षराजन् ! जिमित माःम थव हे खः, मेपि मय्यू ।  
धनद्रव्यादिनं छुं म्वाः । सत्य वचन खः बीगु जूसा जिमिसं  
फोने धुन, याकन बिया बिज्याहुँ, मबीगु जूसा मेगु फोनेत  
ज्या मदु । थव खँ न्यना हानं यक्षराजां धाल ।

हे मानव, वैद्यराज ! थव जिम्ह चीधिकम्ह पुत्र हे माः धैगु  
जिबिफै मखु, छाय धाःसा थव ककालिम्ह जूयानिति  
बौया यथे मदु मायां यथे । हानं प्रजा प्रतिपाल यायात तोता  
बी धुन, उकिं प्रजागणपित मांम्हयात न्ति ब्रुमेयाना यंके  
फुसा यंकी, थुलि धया थः स्त्री मन्त्री प्रजागणपिं सःता  
सकलें मुंका थव हे ख धाल । थवेलस यक्षराजाया प्रजा  
गणपिं सकस्यां छगू पाखं हका धाल ।

अरेरे मानवपिं ! जिमिसं अनेक छल कपटयाना जिमि  
चीधिकम्ह राजकुमार यकेत चल, जिमि सकलया प्राणनाथ  
जुयाचोम्ह बालक बिया छेमखु, जिमित माःसा मे मेगु  
फोनायंकी, वहे माः धैगु जूसा जिपिनाप ल्हाना त्याके फुलां  
अलेतिनि यंके दै, मफुसा यंके दै मखु, छिपिं थन चोनेमते  
छिमिगु प्राण वनी । सी यःसात्रक थन चोनाचों, म्वायगु  
इच्छादुसा याकन लिहाहुँ । हानं थव हे खँ ल्हाना धाःसा  
जिमिसं बाकितय मखु, आतक लाःनि विस्नुहुँ धका विशव्द  
विशव्दं हाला ख्यात । हानं मांम्ह माया यक्षणीनं भयङ्कर



मूर्तियाना वा कट्टरं न्हया मिखाजक पतियाना पुतु पुतु  
हाला चोन । थुजोगु तालखना गुरु, राजा भरिया सोम्हसियां  
निराशा जुया थनचोनां थिक ज्वां मखुत धका तीजक खं  
ल्हाना अतं प्रस्थानयाना लिहाँवया यक्षलोकयां पिने न्हापा  
चोनागु पीडस सोम्हचोना सलहायात ।

भो गुरु ! आः गथेयाये, कार्य सफल मज्जीकें गथे लिहाँ  
वने ? थये जुजु न्यसैलि गुरु धाल !

हे राजन ! कार्य सफलयानां तोते, धन्दा कायम्बाः । थ्व  
बालकयात जगत्मोतनी यायमाल, थ्व जतन जि थन हे चोना  
याये । थुलि धया मागु सामाग्री तवार याना, सुवर्णया कलशे  
तीर्थोदक, पञ्चामृत, पञ्चपल्लव, पञ्चाव्रीहि, पञ्चौषधि, छेत्र  
सहित तथा, किसली देछाया, संग्रह्यो गोप्रास न्हेंकं सिंहमु  
सुकुन्दा मोहनी सिन्दूर साधन सकतां स्थापना याना, कुण्डला-  
जाक्षत पञ्चसूत्रकां तक्कंका, दशदिग्लोकपालादि माः माःथाय  
तथा ताडन तथा, बन्धुदत्त बज्राचार्य योगाम्बर पूजारम्भ याना,  
रहस्यविधि क्रमपूर्वक योग ध्यान समाधि क्रियां याना, जगत्मो-  
हनी सिन्दूर साधना यागु ज्या सिधयका, कर्कोटकनागराजायात  
थ्व मोहनी सिंह यक्षरूप बालकयागु म्हस किकाः वा धका  
बियाछोत । नागराजा मोहनी सिंह जोना, यक्षयागु भेषजुया  
वना, उगु समये बगीचास म्हिताचोम्ह बालकयात गुरुया मन्त्र  
सिद्ध ज्वांमा धका मोहनी सिंह किका गुप्तरूप लिहाँ वल !

थ्ववेलस यक्षरूप बालकयात मोहनी ग्यला मन भ्रमण  
जुया मां बौपिन्त धाल । भो माता, पिता, ! जि नेपाल मण्डलस  
छको वनेगु इच्छा जुल, जिवने न्है धका न्हिथे थुगु प्रकारं

हाला नयेगु तोनेगु छुं बीचा मयासे जुल । न्हिथे थये हाला जूगु  
पुत्रयागु स्वभाव खन मां बौपि भद्रभूत चाया मती अति  
सन्देश जुया ज्योतीष सता केना सोत । ज्योतीष प्रश्न बिचाः  
याना बित्तियात ।

भो महाराज, महारानी ! थ्व कुमारयात मोहनी ग्यला  
मन स्यके धुंकल, अवश्यन नेपाल वनी जुल, थ्वेत पितछोय  
मते, बालक बिचाः याना तैबिज्याहुं । थुलि धया ज्योतीष  
लिहाँ वन । महाराज, महारानी सकल यक्षगणपिनि मनस  
महाधन्दाकया न्हापाया दुर्गाछ सकभनं मतच्याका थ्व बालक  
पिहाँवनी धका थाय्थासे पहरा चोना चोन । हानं माह्य माया





यक्षणीनं पुत्र पिहावनी धका कोथाया मूल मुलखास सपैना छयों दिका लंपना देना चोन ।

थवेलस गरु बन्धुदत्तं कलसयागु किसिली लिक्क्या जुजु-  
यात थव कलशे पंक्षी बा कीया रुपजुया न्याम्ह वया व्दाहाँ  
वसां किसिली देछाया व्यु धका मागु ज्या खं सेना कना योग  
ध्यान याता लोकनाथ साधना याता चोन । मन्त्रसिद्धिया  
प्रभावं यक्षरूप वालख लोकनाथया मन स्थीर मजुया रात्रीया  
प्रहरे पिहाँ बनेत दना वःगु वखने मांम्ह लुखास छयाँ दिका  
सँफिजेयाना लँ पना पिहाँघने मजीक देना चोंगु खन ।

थवेलस लोकनाथ पिहाँ बनेत लँ मछिना माँयागु सँ  
छपु छपु तीजक चीका माँयागु शरीर हाचां मगासे थगु श शरीर  
अनंतु तोता प्राणबागु भ्रमरयागु रुप कया वेगं व्वै वना बन्धुदत्त  
गुरुं साधना याता तगु सुवर्णया बिजय कलशे व्दाहाँ बिज्यात ।  
जुजु खना हथासं किसिली देछाया बिल ।

थनंलि मांम्हसिया न्हयलंचाया दना सोगु बखने न्होनेसं जीव  
मदुम्ह पुत्र खना हाहा पुत्र, जि प्राणंतुल्यम्ह लोकनाथ ! छं माँया  
त तोता गन वना धका विशब्द विशब्द हाला खोल । थव खोगु  
शब्द अनं यक्षगणपिनि मकस्यां न्हयलंचाया दना सो वःबले  
जीव मदुगु लोकनाथया शरीर खना धन्दा चोन । थुगु बल्लस  
यक्षया ज्योतीष पटक थैम्ह वया बिचाःयाता धाल । भी  
कुमारजी मेगु हे रुप कया नेपाल देशे बने धका वन तर देशहे  
पिहाँ मवनी । साधन याता कलशे तैतल, आतक लाःनी भीपि  
बल्लासा कया हे ज्यूनी । थये ज्योतीषया वचन न्यना  
यक्षगणपिसं जीव मदुगु शरीर सुनानं मथ्युसे अनंतु तया,

कोलाहल शब्द हाला, आकाशमार्ग बोया मा वसेली थव हे  
साधनयाता चोंगु थायखंका सुवर्णया कलश लाका हट्टटं न्हिला  
लिहाँ वना, कलेश चोंगु रूप शरीरे डुबिका लोकनाथ दना वःगु  
सोया मां बौ आदिसकल यक्षगणपिनि मन आनन्द याता  
चोन । अन साधकगणपिनी गुरु राजा प्रमुखं मुना जुगः  
मछिका भसुका तया धाल । जत्न जा यातागु खः, आकाश  
वया लाका यंकल थये वैगु भीसं बिचाः याय मफुत । आः  
जुयाये धका हाला चोंबले हानं यक्षगणपि आपालं वया साधक-  
गणपित लिना हल । थुगु समये बन्धुदत्त गुरुं साधना याता-  
तेगु ईका, पका, ताये, आखे, बिभूति कया होला छोट, यक्ष-  
गणपि वेमफया लिहाँ वन ।

थनंलि साधकगणपि अन वया हानं मेगु हे पीठे बास  
याता सलहायात । भो गुरु ? भीसं लोकनाथ बिज्याका सुवर्णया  
कलस यक्षगणपिसं लाका यंकल भीसं आकाः बने फैतिनिला ?  
थये चोनां मजिल भीपि नेपाले वना ( चतुरङ्ग बल ) सल,  
किसी, रथ, सैन्यगणपि हया, शस्त्रास्त्र जोना थुमिनाप संप्राम  
मयासं जी मखुत गय याये माली ? थये जुजु धाःनु खं न्यना  
बन्धुदत्त गुरु धाल ।

भो राजन् आम खं नं खः, जुजुया राजनीति धैगं युद्ध  
यायगु ज्या धैबिज्यात, तर ज्या मछि, छाय धासा युद्ध याय  
व इमिनं थःपिनिनं निगू धरियां प्राणी नाश ज्वी । हानं  
धनद्रव्यादिनं आपालं पवी । केवल धन चतुरङ्ग बल गथेयाना  
हयेगु, सिला नदी गथेयाना तरै याये ? कर्कोटक  
नागराजां फै मखु, फुसा आपालं तकलोफ ज्वी, उकिं युद्ध  
यायगु ज्या थिक ज्वी मखु, जि थये धालःधका तंवाया



बिज्यायमते, न्येगु सोनेगु निसैं फैं मखु, छलपोलं डको बांलाक बिचार याना बिज्याहु । जत्तन जुक्ति धैगु आपलं दु. तन्त्र-मन्त्र योगं जि माःगु याय्छु धन्दा कायम्बा । थुलि ध्या श्मशान योग यायत माःमागु सामाग्री तयार याना, न्हापां पीठ पूजा याना लिपा श्मशानय योग याना रात्रिया तृतीय ५ हरे ४ प्यम्ह भैरवपि आराधना याना बिज्यात । थवबेलस अष्टसिद्धिया प्रभावं ४ प्यम्ह भैरवपि बिज्याना दर्शन बिल । सुसु भैरवपि धाःसा हरसिद्धि १, हयग्रीव २, नन्दकुन्द ३, लुप्तसंहार ४ थव प्यम्ह भैरवयात पूजा भावनायाना सन्तोष याना बिन्तियात ।

भो वीरेश्वर भैरवपि जिमित रक्षा याना बिज्याहु । नेपाल देशे वा मवया हाहाकार जूयानिति श्रीलोकनाथ बिज्याकेया लागी जिपि थन वया सःस्युगु जत्तनजुक्ति उपाय यासैंली यक्षराजा खुसि जुया जिके दुगु छिमिसं फोगु जिं बी धका सत्य बान्नायात, लिपा यक्षगणपिसं ख्याना हल, हानं लोकनाथ साधना यातातैगु कलश लाका वंशु इत्यादि अनजुगु खंकन । भैरव प्यम्हसिनैं बन्धुदत्त यात ऋद्धिसिद्धि बरदान बिया थुगु ज्याय जिमिसं नं माःगुतक ग्वाहालि यायगु जुल धका भाला कया बिज्यात ।

थनंलि बन्धुदत्त गुरुं भैरवपि प्यम्ह कर्कोटक नापं थःपि प्यम्ह जम्मा च्याम्ह मुना मन्त्रसिद्धिया शस्त्राशधारणायाना थःहैं सेनापतिजुया लोकनाथ काबने धका प्रस्थानं याना घन घवं कामुनी देश थ्यंका यक्षगणया राजारानी मन्त्री सहित प्रजागणपि सकलें मुना थवहे खँ ल्हानाचोंगु थासे वना बन्धुदत्तःगुरुं थुगु प्रकारं धाल ।

हेराजन शशीमहाराज । छ पिसं त्रि सत्यवाचा याना

जिकेदुगु छिमिसं फोंगु जिं बी धाःगुलिं जिमिसं फोनाम्ह छल-पोलया चीधिकम्ह पुत्र जिमित बीगुलाकी मवीगु ? गथे खः धैबिज्याहु । थथे बन्धुदत्त गुरुं धाःगु खँ न्यना शशी राजा त्रहि जुया धाल । अहो आश्चर्य ! थूपिला हानं वल तिनी, थव भयङ्कर मूर्तिप प्यम्ह सुज्वी ? हे स्त्री हे प्रजापि ! का का भी कुमारयात छुयाना उपकार यायमाल याकनं या जिगु खुसि मखु छिमि खुसि, थुमिसं यंकी बांलाक बिचाःया । थथे यक्ष-राजा धाःगु खँ न्यना प्रजागणपिसं कुमार यात बिचाः याना फको सुचुकेत सन ।

यक्षगणपिनि परस्पर खँ ल्हाना लोकनाथयात सुचुकेत संगु बन्धुदत्त बज्राचार्य खना, थः सेना भैरवपिनिगु ख्वाः सोया धाल ।

भो वीरेश्वरपि ! थव यक्षराजां सत्यवाचा भंगयाना भीत लोकनाथ मबिसे लितछेत सन । भीपि लोकनाथ मकासैं लिहा वने मखु, आः थुमिनाप युद्ध मयासैं जी मखुत ! थथे बन्धुदत्तगुरुं धाःगु खँ न्यना भैरवपि प्यम्हस्यानं भयङ्कर मूर्ति रुप धारण याना वा कटटं न्हया तिं तिं न्हया हु कार शब्दयाना धैबिज्यात ।

हे यक्षराजन ! छं सत्यवाचा भंगयाना कुमार मदिसे असत्य याय् त्यन । छं न्हयागु जालया सां जिमिसं कुमार मकासैं वने मखु, छिमि कोटि सैन्यनाप युद्ध यायमाःसां जिपि ग्यायि मखु, क्षणमात्रे स्वायच्छुका बी. छिमिगु जीवया माया दुसा आम कुमार याकन बियाछो, वा मखु धैगुजुसा छिमिसं सास्तिनया सीमाली, कुमारनं बीमाली का आः छु भया ? थथे भैरवपिसं धाःगु खँ न्यना शशीराजा प्रमुखं सकल यक्षगणपि



त्राहि जुया, लोकनाथयात घयेपुना, भैरव पिनिगु ख्वाः सोया यक्षराजां बित्तियात ।

भो ईश्वरपि ! जिगु बित्ति छगु न्यना बिज्याहुँ । थ्य कामुनी देशे जि चीधिकाह पुत्र छम्ह जन्म जुसँनिसँ सुथे पिनागु वा न्हिने लय् दया सकल प्रजाया माहा आनन्दजुल, नयेत छु हे दुःख मन्त, आः थ्व मचा नेपाले यंकुसँलि थन जिमि दुःख ज्वीगु जुल, थुकियानिति बिधाच्छेत थाकुगु खः, जि पुत्र याताप जिपिन बोनायंकी आः थयें हे वी । थये यक्ष राजां धाःगु खँ न्यना, बन्धुदत्त गुरुं धाल ।

हे यक्षराजन् ! आम छु धगु खँ मनुष्यया देशे राक्षस गथे बोना यंकेगु ! राक्षस व मनुष्य नैध नसा, कला भात हे जूसां राक्षसं मनुष्ययात नयां तोती, उकीं छिपि बोना यंके मज्यू, आपालं ताःहाकगु खँ ल्हाना बोनाया प्रयोजन मदु, सत्यनं बी धका धाःगु खः बीगुलाकी मवीगु । थ्व खँ न्यना यक्षराजा या नुःगमछिका पुत्रयात घयेपुना धाल ।

भो पुत्र लोकनाथ ! जि छन्त गथे तोता व्छे, छं मां बी पित्त गथे माया तोता वनेगु आः थये मखुत, जिगु सत्य वाचानं भंग मज्जीक, विदेशी पुरुषपिनिगु इच्छानं पुरैज्वीक नेपाल देशे वना जलवृष्टियाना, हानं थनन्तुं लिहँवैग सो धया मिखास खोविवेका, दुःख मनयाना चोन । हानं माह माया यक्षणीतं थः पुत्रघयेपुना हिक हिक कया गःप ततःपु याना मिखा खोविवेका खाखातूगु सोरयाना धाल ।

हे पुता जि काय् आः जि छगु ख्वाः स्वेगात, हा हा जि पुता गथेयाना तोता व्छेगु, छुयाये ल्वायधाःसा भयङ्कर मूर्ति भैरवपि वया चोन, ल्वायगु समर्थनं मन्त, हानं सत्य

वाचा नं भंग यांथ मजिल, जिमिगु कर्मया फलं हे जूगु खः धका पुत्रया ख्वाः स्वेगु निराशा याना, य पुता छं मां लुमंका थन हे लिहँ वा धका हाला चोन । हानं मन्त्री सहित सकल प्रजागणपिसं नं भैरवपिनिगु भीषण मूर्ति खना त्राही जुया आःछु याय धका हाला चोन । थ्व बेलस बालक रूप लोकनाथं धाल ! भो माता, पिता ! छिमिसँछं धन्दा कायमते, आः जि नेपाल देशे वने लिपा जि सोया मागु याये जितः बेला बिया छो । थये पुत्रयागु वचन न्यना शशी यक्षराजां भैरवपि प्यम्ह, गुरु बन्धु दत्त राजा नरैन्द्रदेव आः द सकलिगु ख्वाः सोया बित्ति यात ।

भो वीरेश्वरपि, विदेशी बैद्यराजापि ! छलपोल पिनिगु गुण ज्ञान पराक्रम खना प्रसन्न जुया जि पुत्र तोता बी धुन, नेपाले माःगु कार्य सिधयका हानं थन हे लित डोया है दि-ज्याहुँ । जि पुत्रयात लं म्हसीकेत लं जवं खवं थंसि माया पुसा होला बिस्तारं यंका बिज्याहुँ धका राक्षसया बुद्धि थंसि माया पुसा नं माःछि बिया बेला बिल ।

थ्वबेलस बन्धुदत्त गुरुं यक्षराजायात लिपा गथे माल अथे याये धका जवाफ बिल, श्री लोकनाथयात रुते तया प्यह्म भैरवपिसं कविका, सुवर्णयां कलस व थंसिमाया पुसा नं कया बेला जुल न्है धका धया मुसु मुसु न्हिला नेपाल देशे सोया सकलें बिज्यात ।

थनंलि बन्धुदत्त बज्राचार्य थंसिमाया पुसा बच्छि २ थला बच्छि मन्त्रं सियाका बुया मवैगु याना लें होला लोकनाथयात हेका हल । श्री लोकनाथ नेपाल देश पाखे बिज्यागु समय स्वर्गया देवतापि गन्धर्व, किन्नर, विद्याधर गणपि मुना



हुन्दुमि बाजा थाना, आकाशमार्ग लसोवल । हानं डेवकन्या  
गन्धर्वकन्या, किन्नकन्या आदि अप्सरगणपि मुना आकाशमार्ग  
स्वां वा गाका हल, गुलि गुलिसिनं रत्न वृष्टि, जलवृष्टि,  
अष्टमङ्गल वृष्टि याना हल, गुलिसिनं ना ना प्रकारया मङ्गल  
गाथा बोना अष्टसुगन्ध धूप थना हल, गुलिसिनं ताये, आखे,  
स्वां होला मङ्गलोत्सव याना हल । हानं सुछं व, बालासुकी,  
गन्धवाह, शंखपाल, तक्षक आदि नागराजापि वया च्वांगु गुणं  
सहितगु जलधरा हायका लसोका बिज्यात । हानं कामुनी  
देशया यक्षराक्षस गणपि नं नेपाल देश थ्याक लसोया तवे  
धका प्रतिज्ञा याना वल । थव खं वन्धुदत्त गुरुं सीका थपि  
नेपाल थ्याक यंकेमज्यू, अवश्य नं बिधन यायी, आः थन हे  
जत्त यायमाल धका बिचाः याना साधन पोले चोगु विभु-  
ति, ताये, आख्ये, ईका-पका कया मन्त्र प्रयोग याना लें नं  
आकाशे नं होला बिल दिग्वन्धन जुया मन्त्रया सिध्दी लं  
मरुना यक्षगणपि थुखे वेमफया लिहाँ वन । मे मेपिनं बेलाकया  
लिहाँ वन । श्रीलोकनाथ कोविया व पि भैरवपि व थपि जक  
थवे ववं ब्रतन धैगु देशे थ्याका अग्निपर्वत लङ्घनायाना अन  
निसे वन्धुदत्त वज्राचार्य कनिगु थसिमा पुसा होला हहं कवद-  
बाल थ्यसें ली पुसा दको फुत । उकी छतन धैगु देश उचे मन्त्र  
बुक ग पुस होला वःगुलि थसिमा बुया मयः थुखे कनिगु पुसा  
होला वःगुलि छतन निसे कवदुवाल तक थोया अज्ञापि थसि-  
माया वन आपाल दैचोन ।

कवदुवाल धैगु तीर्थ थ्यसेलो लोकनाथ कोबीया वपि भैरवपिनि  
मयातुया अनसन्तु वःदिका बिचायारुप कया खलि सुक चोन,  
लिपा येकेमाल धका भैरवयागु रूपतुं कया खः कोव्यूबले

मयातुया कोबी मफु, अनेक जत्तयाना सोतनं संकेहे  
मफया सेसें कुं कुं मिका चःति सोसो वेका चोन ।

थथे जूगु वन्धुदत्त गुरुं खना ध्यानं विचाः याना सोगु वखते  
शशी यक्षराजां मेपि ३०० सोस ! म्हा पासापि मुंका वया नष्ट-  
छायाधैगु सुतानं मखनीगु मन्त्र बोना ख्याः धौं सुली थें सुला  
चोंगु खन । हानं लोकनाथ तैहंगु खतेनं ४ प्यागू पर्वतया भार  
दुबिका तगु खन । उकीं भैरव थें जापिसं हे ख कोबी मफुत  
धैगू ज्ञानं सीका जुजु नरेन्द्रदेव यात आज्ञा दयका बिज्यात ।

भो राजन् श्रीलोकनाथ नेपाल देशेजा थैन, तर शशी  
यक्ष राजां हानं लितयेंके धका ३०० म्हा पासापि बोना थन  
सुला चोन, सुतानं खनीमखु जि खन । हानं लोकनाथ  
तया हेगु खते नं प्यागू पर्वतयागु भार दुबिका  
मयातुका तल उकीं भैरवपिसं हे कोबित थाकुल । भीपि  
कायल जुया तोता वनी, अले इमिसं लितयेंके धैगु बिचारं  
यागु खः । तर जि माःग जत्तयाय् लुहे धन्दा कायम्वा,  
जिधाय् जकया । आः हानं न्हापायाथे समाधि योग ध्यान  
याना, कलशे श्रीलोकनाथ साधना याना काय अले कलश  
छगः जक जोना वनां गायी । खः इमिसं लित यंकुसां थयें ।  
थव ज्या यायवले जि नवायमज्यू किसली लिक्कया तयगु, श्री  
लोकनाथ भमरायागु रूप कया कलशे दुहां विज्यायी, किसली  
देखायान्यू थथे मयायव थव ज्या सेनी, बांलाक चिचारया ।  
थुलिमछि दुखसिया यानागु कार्य धौपलखं व्यर्थ ज्जी;  
नुगले ध्वमिका धन्दा कया विज्याहुं धका माको खं  
रहाना; छगू गुफाया दुने सुतानं मखनीगु थासे गुप्त रूपे



( ५४ )

बुंगयो नेपाले वःगु ख

चोना, च्यागू दिगसं दिगबन्धन ताडन तया, रथचक्र भरिया व कर्कोटक नागराज थुपि निम्ह पिने पाः तया, दुने थःपि निम्ह चोना, जुजुयात जजमान याना, थः गुरु जुया रहस्य विधि योगाम्बरयागु योग लोकनाथयात कलशे दुर्वा-केत ८ च्यान्हु तक योगं ध्याने चोना १०५००० सुवालाख जप याये थुंका सुवर्णयागु कलशे पञ्चसूत्र कां तक्यंका किसली लिक्का लोकनाथयात साधना याना बिज्यात ।

थनलि श्री लोकनाथ भ्रमराया रूप कया भुनुभुनु हाला सुवर्णया विजय कलशे सोचा आःउला दुने दुहाँ बिज्यात ।

उगु समये जुजु नरेन्द्रदेबया आपालं दुःख कष्ट नया न्ह्योपाः याना वःगुलि परिश्रम जुया भुसुकक न्ह्यो वेका घनाचोन । ताउत नं किसली देछाया मज्यूगुलि भ्रमराया रूप लोकनाथ कलसं पिहाँ बिज्यात गुरु बन्धुदत्त बज्राचार्य हानं द्वितीय योग याना आकर्षण याना बिज्यात, भ्रमरा रूप लोकनाथ न्हापाया थें हे बिज्याना कलश आःउला दुने दुहाँ बिज्यात । जुजुया न्हापासिवे दुर्गछि अप्पो न्ह्यो वेका ताउत नं किसली देमछाया पिहाँतु बिज्यात । थव बेलस गुरु बन्धुदत्त बज्राचार्य योगं दिना आज्ञा जुल ।

भो महाराज गथे न्ह्यो वःगु भ्रमरा रूप लोकनाथ निको बिज्याय थुंकल, प्रथम योग सिर्ति घन धका हानं द्वितीय योग याना, द्वितीय योग नं सिर्ति घन, आः तृतीय योग छगू दनि, थुकी नं थथे हे जुल धाःसा थव ज्या अवश्य स्यनीगु जुलः न्हापानं मखु, लिपा नं मखु, थुगु हे औसरे न्ह्यो वेका ज्या बिफलाय त्यन । थथे ज्वी धका जि न्हापा

हे संम्झे याका, दछिया सेवा घौंछि पवीन, सोकः सिवे प्यकः बिज्यायी मखु लिहाँ, बिज्यायी । लितयंकेत तत्पर जुया वैचोर्पि दु, छलपोलया धंग आमथे । भीसं दुःख सिया ज्या यानागु सिर्ति घनी, सकसिनं धिकार नं याई । गथे धन्दा मदुगु ? निगू मौका सिर्ति घन, आः छगू दनि होस याना बिज्याहुँ धन्दा कया न्ह्यलं चायका बिज्याहुँ धका उपदेश बिया हानं न्हापाया थें, हे तृतीय योग समाधि ध्यान घाना लोकनाथ साधन याना बिज्यात ।

उगु समये जुजु भ्रमराया रूप लोकनाथ बिज्यायिगु स्वोये धका फक्कलं न्ह्यो मवेकुसे सोया चवन, लिपा हानं न्हापा थें हे साराक न्ह्योचल । थव हे बेलस मन्त्र सिर्दिया प्रभावं हानं भ्रमण रूप लोकनाथ भुनुनुनं हाला घया कलस आःउला दुने दुहा बिज्यात । गुरु बन्धुदत्त बज्राचार्य जुजुयागु स्यमाच खना मतीं-मतीं धाल, धिकार धिकार थव जुजु किन्तु यक्षराजांजक थथे यातला धका धन्दा कया आगथे याये जि नवाये मज्यूनि, जुजुया न्ह्यो चो, किसली सुनां देछाया वीगु, रथचक्र धाःसा थन दुकाय मज्यू घया अभिषेक मदुनि आः ताउत नं थथे जुल धायव अवश्य न्हापाया थें पिहाँ बिज्यायी हानं बिज्यायि मखुत । आः लुयाये थव ज्या अवश्यन फचीत ज्वीन धका बिचाः याना न्ह्यो वेका चोम्ह जुजुयात चुल्यां ख्वात ।

जुजुया भसंक न्हलं हतासं किसली कया कलशय देछाया बी थुसेली जुजुया मने अहंकार घया मनंमनं धाल । अहो जिधि जाह्य जुजुयात हे थव गुरुमाजु चुल्यां ख्वात, थवैत जि



त्वाथला बीला, पाला बीला धका च्वाक मती तल । थथे जुजुया मती तःगु खँ गुरुं सीका थौं जुजु गुरुयात त्वाथले धका मती तल ज्याका, आः थुगु ज्या सिधल विशेष भतीचा बाकी दनि, थव वाकी दुगु ज्यानि सिधयके धका मती तथा पूजा धुंका क्षमापन याना क्रमथे सिन्ह तिना प्रसाद कया जुजुयात नं सिन्ह तिका प्रसाद बिया निहला निहला आशिर्वाद बिया पूजा बिसर्जन याना हर्षोत्सुकं सुवर्णया कलश रक्षा याना न्हापायार्थे भैरवपिस कलश कोवीका, थाय थासे ताडन तथा थुगु कदुवालं प्रस्थान याना ईन्द्रादि देवतापिसं मङ्गलोत्सव बायका हहं बुँग देशे थ्यांका छगू शुद्धगु स्थाने दिका आनन्द विश्राम यासैलि प्यम्ह भैरवपि विदा कया गुप्त जुया बिज्यात ।



स्वर्गया अमरापुर निसें देवतापि वया श्रीलोकनाथ दर्शन याया, पाठ पूजादि याना, विश्राम याना वैगु जुया निति अनंनिसें बुँग देशयात अमरापुर धका धाल ।

थनंलि नेपाल मृगस्ली नवनागासन याना तपस्या याना चौम्ह कानफत्ता रूप गोरखनाथ योगीं श्री लोकनाथ गुरु नेपाल देशे बिज्यात थैगु सीका दर्शन याये धका हतासं दना बुँग देशे श्री करुणामयया अंश लोकनाथ गुरु दर्शन याया १०८ अष्टां प्रणाम पूजा पाठ स्तोत्र याना थःगु थासे लिहाँ वन । थव बेलस नवनागराजापि नं आनन्द आकाशे वना मेघमाला थैगु वचुगु सुपाचे चोना श्री लोकनाथयात नमस्कार याना नेपाल देशे जल वृष्टि याना हल । थुगु बखतस तिनि नेपाल देशे जल वृष्टि जुया सकल लोकया आःतिनि सुख उर्वीगु लक्षण चल धका आपालं हर्षमान याना चोन ।

थनंलि गुरु प्रभृति सकलें मुना अमरापुर थैगु बुँग देशंनिसें कलस जात्रा याना हया ग्वाखंचा थैगु थासे थेन, अन शशी यक्षराजां पुत्र लोकनाथयात हरण याना यने धका वया सुला चोन, गुरु बन्धुदत्तं खांका अनसन्तुं ताडन तथा बिल, व यक्षराजा गनं वने मफुत, थौंया अद्यापि अन हे सिद्ध जुया चोन ।

हान अनं जात्रायाना ह हं इवला ख्यो थैगु थासे थेन, थुगु थासेनं माया यक्षणी वया पुत्र हरण याना टांके धका सिमाया च्वे सुला चोन, थन नं गुरुं खांका ताये आखेहोला ताडन तथा बिल, व यक्षणी गनं वने मफुत, थौंया अद्यापि नं



हे सिमास चोना चोनतिनी उकीं सिमायात मां सिमा  
धका थौं तका नां जुया चोन । व सिमा कवे चोहमाया यक्षणीनं  
थ परिवारपि सःता उपद्रवयायि धका थनं निसे स्वैतं  
महायकुसे, बाजंनं मथाकुसे सुति सुति हल, वहे धिति थौंया  
अथापि लोकनाथ जात्रा याना हरिवले इचला स्थो थैगु  
थानंतिने पूर्वया प्यपु लं तका बाजं थाय् मजिया चोन । पूचया  
प्यपु लँपुसेलि सकलयां मन आनन्द याना आः सुनानं हरण  
याना यंकीगु भय मन्त धका हर्षमान याना लगंख्यलं हया इति  
थैगु प्यपु लं थ्यसेलि विश्राम यात । थन कर्कोटक नागराजां  
आः ज्या सिधल जि वने धका गुरुयाके । बित्तियात, गुरु  
विज्याहुँ धका वचन बिल । अन कर्कोटक नागराजा छपु लं  
तःदहने थगु थासे लिहाँ विज्यात ।

थनलि गुरु बन्धुदत्त बजान्नाथ थुगु लँपु जिगु कान्तिपुर  
( ये ) देशे वनेगु, श्री लोकनाथ थुगु लँपु विज्याकेमाः धका  
आज्ञाजुल ।

हानं नरेन्द्रदेव राजां थुगु लँपु जिगु भक्तपुर ( खप ) देशे  
वनेगु, श्री लोकनाथ थुगु लँपु विज्याके माः धाल । थथे राजां  
थाःगु खँ न्यना हानं गुरु धाल ।

भो राजन ! आम खँ गवने उरी; जि तन्त्र मन्त्रया सिद्धि  
विशया समर्थ दुःख सिया थन द्रव्य खर्च मज्जीक ऋद्धि  
सिद्धिरावठं वीर्य क्यना हयाम्ह लोकनाथ थुगु लँपु कान्ति  
पुरत यंकेगु जुल आपाः ताःहाकगु खँ लहाय मते । थथे गुरु  
थाःगु वचन न्यना पुनर्चार राजां धाल ।

भो गुरु ! छलपोलं आमथे थाय् मज्यू, छाय् धाःसा थव  
ज्या जिगु प्रार्थनां जूगु खः । न्हापां थव ज्यायायगुलि कोसीस  
याना धन माको खर्च यानाम्ह जि । छलपोलं ऋद्धि  
क्यना मन्त्रया बलं अनेक किस्मत याना विज्यागु खः थुकीं  
माःगु दक्षीणा शिरपाउ वि गुरुयात सन्तोष याय माःगु जिगु  
कर्तव्य खः । छलपोल गुरु पुरोहित खः । जजमानया उपरं  
करुणा तथा ज्या सिद्ध याना विज्यात, छलपोल धन्य खः । भो  
गुरु ! छलपोलं जि जजमानयागु देश तोता थःगु देशे लोकनाथ  
यंके थाय्गु योग्य मजू । उकीं थव लँपुं खप देशे हे थंके माः  
धका धाल । थथे गुरु व राजाया खँ न्यना रथंचक्र भरियां  
बित्ति यात ।

भो गुरु भो महाराज जि छगू बित्ति याये अवसर मान  
याना विज्याहुँ । थन प्यपु लं दुःख छपु लं कर्कोटक नागराजा लिहाँ  
वन । छपु लं गुरु विज्याहुँ, छपु लं महाराज विज्याहुँ, सत्तीगु  
छपु लं लोकनाथ कोबिया जि ललितपुर ( यल ) देशे वने ।  
छलपोलपि निम्हसिया बाजि याना कच कच याय म्वाल । जि  
माःगु तक सामाग्री कोबिया महगु जूसा थव ज्या गनं सिद्ध  
ज्वी । जि चिकु तानो, त्यानु, न्ह्यो वो, नये हिँ, तोने हिँ मधया  
भरिया थम्हसिया नयेगु तोनेगु बल खः अथे जूसां जि  
पित्यागु प्यास चाःगु सह याना अड्डेयामु तक ज्या याना कष्ट  
नया वैगु लोकनाथ स्थू । अथेया कारणे थुगु सत्तीगु लँपु यंका  
ललितपुर ( यल ) देशे विज्याके । थथे रथंचक्र भरियां थाःगु न्यना  
जुजु तंमेका धाल ।



अरे भरिया । छं छु ख लहाना, छं कोबिया कष्ट नया वःगु मेहनत अनुसार ज्याला जकं कायदै, लोकनाथ यंके दैमखु । जि छंत ज्याला बिया सन्तोष याय माःगु ख । लोकनाथ बिज्याकेगु हक जि हे जक दै, मेपि सुयां दैमखु । उकीं थुगु लंपुं भक्तपुर ( ख्वप ) देशे हे यंके माः धका तमं धाल । थुगु प्रकारं जुजुं गुरुयातनं भरिया यात नं तमं तमं धासेंलि हानं गुरु बन्धुदत्तं धाल ।

हे राजन् ? तंवाया बिज्यायमते, शान्तजुया बिज्याहुँ । भीसं न्हापाहे लोकनाथ थुगु देशे बिज्याके धैगु तहकितयाना वनेमाःगु खःमवना, आःद्वने धुंकल म्वाल, तर गुरु आदि खुगू ज्या याना जूपित नीतिस थये धेतगु दु ।

सूतिका दुतिका चैव खनित्रा च वरांगना ।

उपाध्यायश्च वैद्यश्च कोर्यान्ते च तृणोपमा

दिदि अजिमा, लमि, ज्यामि, वेश्या, गुरु उपाध्याय, वैद्य थव खुगू ज्या यानापित न्हापो थःगु ज्या सिमधतःले विन्ति विन्तियाना मान्ययाना तै, लिपा थःगु ज्या सिधल धायव प्रायं तुल्य याना छोयी । च धैत गुथ्यतुं आःछलपोलं ज्या सिधलकि जित गुरु पुरोहित खः माक दक्षिणा का धका तमं तमं धाल । जिगु मेहनतयात त्वेक दक्षिणा बीकुला ? छलपोलया देश छगुलि व्युसां मगाः, छुजक दक्षिणा बिया जित सन्तोष यायी । तर जि दक्षिणाया लोभं थव ज्या यानाम्ह मखु । जि गुरुया वनन शिरोपर याना लोकयात सुखानन्द यायया लागी सम्म थव ज्या यानाम्ह ख भो राजन् भीपि सोमहं सुयागुं

अधिनै चोना वैपि मखु, लोक उद्धार यायया कारणे स्वच्छन्द मनयाना वैपि खः, थौं श्री लोकनाथ थन नेपाल देशे हयेधुन, आः थथे कच कच याना चोनाया छुं प्रयोजन मदु, जि छगू विन्ति याय न्यना बिज्याहुँ । भो महाराज भीपि स्वार्थी मखु, निस्वार्थिपि खः, उकीं आः थन ललितपुर देशस वरदेव राजाया पर्याय जुया चोन, थुम्ह राजायात धया थव देशेया दकले थकालिम्ह, ज्ञान बुद्धि नं दुम्ह, स्थवीर ( बुढा ) छम्ह हया थवं थःगु देशे श्री लोकनाथ यंका तेगु पका जुल । थव ज्याय मन बिष्माद मयासे सत्य कवल याना बिज्याहुँ, जि याये जुल । थथे गुरुं थःगु वचन न्यना जुजुं नं ज्यू ज्यू ठिक जू धका निम्हसिया परस्पर खँ लहाना सत्यवाचा याना, थौं मखुत कन्हे सुथसिया प्रहरे यायगु धका निम्हं सुक चोन । थव खँ न्यना स्थंचक भरिया गुप्त रुपं वरदेव राजाया थाय वना राजायात नमस्कार याना थव खँया वृतांत कतः लिहांवया सुक चोना चोन ।

थनंलि वरदेव राजां जन्त यात । छु थःसा-थःगु देशे दकले थकालिम्ह बुढा छम्हसिगु छें भिगु थौं छगले नि भतीचा नं तथा छम्ह दुतयात नकावा धका बिया छोट । राजाया आज्ञा थं देशे दकले थकालिम्ह बुढा दुगु छें दुत वना बुढायात थौं नका लिहौं वल । बुढां काय, क्षयपित धाल । थौं जितः थौं नके हःगु छाये ज्वा, थव थौंलि चिनं दु, जि नय धुन, नुनया सेवा या धायके हःगु ज्वा, जि नवाये माःगु छु ज्या वल धका छे जहानपि नाप हाला चोन ।

कन्हे सुथे जुल, वरदेव राजां बुढायात सतके हल, बुढा वना राजायात नमस्कार याना विन्ति यात, भो महाराज ? जि



वेधुन आज्ञा लु दु ? वरदेव राजाँ धाल ।

हे वृद्ध ! छ सोको जंको याय धुँकूह स्थविर खः  
भीगु देशे श्री लोकनाथ विज्यावेगु बिचा याना छनवाय  
माल धका रथचक्र किसानं कनः वंग खँ फुक बुढायात कन छं  
नुनया सेवा याः मयात धाःसा छंगु प्राण वनी धका ख्याना  
लित छोट ।

थनंलि लगंखले इति थंगु थासे विज्याना चोँपि गुरु व  
राजा निम्हसिनं वरदेव राजायात छलपोलया देशे दकले थका-  
लिम्ह जान बुढि दुम्ह स्थविर छम्ह बोना छलपोल थन विज्याहुँ  
धका माःगु खँ चोया निमन्त्रणा यात । थुगु समये वरदेव  
राजाँ ध हे धौ नकाम्ह बुढायात सतके छोया मेमेपि नं मुँका  
लगंखले इति थैगु थासे वना गुरु व राजायात माःगु सत्कार  
याना व हे बुढायात न्होने तया बिल थव बेलस गुरु वः धुदत्त  
वज्राचोय वृद्धयागु खा सोया धाल ।

भो स्थविर नायक । जिमिगु निसाफ छगू याना व्यु, लु  
धाःसा-जिमिसं श्री लोकनाथ कामुनी देशं हया थन तक  
विज्याके धुन, आ थनं थःथःगु देशे यंके माः धका जिपि  
निम्हसिया हवापु जुया चोन सोयिगु देशे यंके माली, थमं  
धाःगु खँ जिमिसं माने यायगु जुल । यँ देशे यंकेगु ला,  
खव देशे यंकेगु ? यथार्थ रूपं धँदिसँ । भो स्थविर । थः  
आपालं म्वाय दंमखुत, मृत्यु ज्वीगु वखत थन । उकी सत्य  
थेँ धँदिसँ, मुलायिजा याना मिथ्यां धँदी मते । थव खँ न्यना  
बुढाया मनस आश्चर्य जुया खलि सुँक चोना मगं-मगं धाल ।  
आ जि लु धाय्, गुर्या थास यंके माः धाःसा जजमान

जुजुया तंम्हां, निसाफला जुजुया थाय हे यंके माःगु खः हानं  
वरदेव राजायात रथचक्र धाःथेँ थन ललितपुरै तयेमाः धाय  
धाःसा थव जिगु धर्म मखु, मधाय् धाःसा वरदेव राजाँ जिगु  
प्राण कायीगु जुल । आः गथे याये धका बिचाः याना नमवासे  
सुँक चोना चोँसेली हानं नरेन्द्रदेव राजाँ धाल ।

हे स्थविर । ग्यायम्वाः थमं धाःगु सकार धका जिमिसँ  
सत्य बाचा याय धुन, फरक ज्वी मखु । थमं असत्य छता बोले  
याय मने, सुखनानं ग्यायम्वाः याकनं धैदिस धका च्वेकल ।  
थथे नरेन्द्रदेव राजाँ धा गु वचन न्यना व स्थविर विन्ति यात ।

भो गुरु भो महारज । छलपोल पिसं सत्य बाचा याना  
विज्याय धुँकल हानं जि सत्य कोबी धुन, सत्य थैगु थन हे  
स्वेद्रे । लोक सकसिनं सत्य तोते मते, सोम्ह सिया थःथःगु  
ऋद्धि पिकया दुःख कष्ट सह याना, कामुनी क्षत्रे थ्येक वना  
लोकनाथ कया थन थ्यंक हये धुँकल, आः सयोगं मगं निसँ  
वया जि बुढाचां नवाय माल । जिगु कपाले दिका जि जति  
नवाना मासेली सकसिनं खने दयक, ताय दयक चोना धाये,  
उगः ७ न्हेगः हया देतना व्यु, उकी चोने चोना धाये । थव खँ  
न्यना सकलें न्हिला ठाक धाल धका न्हेग उगः हया देतना  
बिल ।

थनंलि व बुढां बिचाः यात । आः जिनः पाप लासां पुण्य  
लासां वरदेव राजाँ हे फइ, नुनया सेवा याय हे माः । जि हानं  
गुलि हे म्वायी, छन्हुजा अयश्य नं सिना वनी । असत्य बोले  
याना थथेँ सीसा नं थसी । बुढा छम्हसँ याना श्री लोकनाथ  
यल देशे लात धका लिपा हुँ कन थ्यांक जिगु नां कायी, सक



सिनं प्रशंसा हे यायी । श्री परमेश्वरयाके क्षमा फोने धका बिचाः  
याना न्हेगः उगःया बोने थाहाँ वना च्चे बोना सकसिगु ख्याः  
सोया धाल ।

भो गुरु, राजा प्रजादि सकल लोकपि ? सकसिनं सोया  
न्यना का, जि नचाय त्यना । गथ्य धाःसा—

इग त्याग मङ्गल भट्टाया खुः,

ईश्वर त्रिबिभुवनया अवश्य खु ।

श्री परमेश्वर लोकनाथ थुगु

ललितापुर देशे बिज्याके माः

थव श्री जगन्नाथ प्रभु लोकेश्वरयात स्वर्ग मर्त्य

पातालवासी सकसिनं पूजा मान्य यायमाल

सत्य ३ नं थथ्य याय माःगु जुल न्हां ।

थथ्य धका सोकः तक थव हे खँ बोले यात ।

थुग प्रकारं असत्य बचन बोले याना व्युगुलि न्हेग उगः व  
बुढा सहित अन भूमिसन्तु सोतुना तुरन्त मृत्यु जुल । थथे  
जुगु अन स्वैवों वःपि सकल लोकपिस खना आश्चर्य जुया  
थःथ गु थासे लिहाँ वन ।

थनलि गुरु बन्धुदत्त व नरेन्द्रदेव निम्हसियां नुगः मल्लिका  
अहो दैव । थव बुढां अन्यायं असत्य बोले याना थनहे सिना  
वन धिकार धका थुलि धयालि गुरुं जुजुयात धाल ।

हे राजन । भीसं न्हापा हे थुग देशे बिज्यावेगु धका खँ  
ना वेमाःगु, आः मलाका पश्ताप कयां छुयाये, छुं  
जन मदु । न्यना बिज्याहुँ भी निम्हसितं छुं भतीचा पाप  
गु दु । कर्कोटकनाग ले देना न्हेयाःछ पिस्सं तुति थवाना  
धका थगु दु । जि मन्त्रया वेगं जोना बतीस सास कुंक  
ना सास्तियानागु दु । थुकीया पापं छलपोलयागु देशे नँ  
जिगु देशे नँ मखुं कुकोबिया वःम्ह भरिया यागु देशे  
न । आः छःपि नँ सुक चों, जि नँ संकचोने । थव देशया  
नः जँको थुंम्ह बुढां असत्य बोले याना न्हेगः उगः सोतुना  
रिसित । तर यायिम्ह कायिम्ह पुकं थव हे लोकनाथ  
सत्य बचन थैगु बरो तःधँ, व बुढां थै असत्य बचन बोले  
ना भीपि सीमज्यू । श्री लोकनाथ थव हे देशे तयगु पका  
। पुत्र धैम्ह मां बोया अतिनं देम खः, थौं भीसं मां बौ आदि  
गणपित खेका लोकनाथ हया तया, थुकी वःगु दोपँ, पाप  
पोलयाके हे माफि फोने । थुलि धया गुरु बन्धुदत्त  
नाचार्य श्री करुणामय लोकनाथ नेपाल देशे बिज्याकागु  
वत् चोया बिज्यात ।

अतित कलिवर्षेषु शून्यद्वन्द्वसाग्निषु ।

नेपाले बिजय श्रीमानार्यावलोकितेश्वरः ।

३६०० सोद्व व खुसः दँ कलिषा वर्ष थयंबले श्रीमन्  
र्यावलोकितेश्वर, लोकनाथ नेपाल देशे बिज्याकागु जुल  
नाथथे प्रमाण रचना याना बिज्यात ।

थनलि गुरु राजायात आज्ञा दयका बिज्यात । भो राजन !



आः भूसिं थव कलश गर्भेतया श्री लोकनाथयागु मूर्ति दया  
माल, थुलि थया महागुरु शान्तिकर वज्राचार्य पूर्व जन्मया साधकाचार्य ! पुलंगु थिती जिगु रथ जात्रा छगू  
खं कना बिज्याथे येँ म्हायपी दूँ पर्वतस वना अष्टिपायाय मते । थथे आकाशवाणी थया हःगु खं न्यना तथाऽस्तु  
सुवर्ण माला हया चूर्ण याता थव मूर्ति दयकीम्ह सु, गन श्री लोकनाथ व जटाधारी निम्ह लोकेश्वरयागु जक रथ  
थका बिचा याता अन हे यल देगे उत्तमगु यंपी थैगु बिचा यायगु याता बिज्यात ।  
शूद्रचित्तं धर्म याता चोम्ह सुमतिशान्त ( शूभश्री मिश्र ) थ  
शाक्यवंश दुध्रेगु सीका वैथाय वना श्री लोकनाथ करणाम  
यागु मूर्ति दयेके विठ । गुरुया वचनानुसार व शाक्यमि  
अष्टिपातु सुवर्ण चूर्णया ३२ स्वीनिता लक्षण संयुक्त यातापां ४ पंगुयः चाले न्हापां आवाहम यातापि प्यम्हभैरवपि-  
सुवर्णया बिजय कलश गर्भेतया श्री करणामययागु मूर्ति दय मूर्ति दुबिका । प्रमाले कर्कोटक नागराजा । व नागरा-  
जुजु वसपोल बिज्याकेत अन हे ईति थैगु थायथा समीपया गलः दुगुलि मछाला कापते । वचनाः दकयागु मूर्ति चोया  
कयब न्याना तवाह बिहारे दयका वयादध्वी देगः दयके थिका बली विया चित्तबुक्ने याता गल तोपुया बिल । हानं  
कमथयं लोकनाथयागु मूर्ति नं देगः नं दयके सिधसेलि वना स्वीनिता लक्षणया प्रमाण स्वीनिकु तया त्रयोदश  
वज्राचार्य बौद्ध शास्त्रया बिधानं १४ चतुर्दशविधेकं समनया प्रमाण भिसोत तया, श्री लोकनाथया गुरु ध्यान मुद्रा  
याता बिज्यात । हानं कायसिद्धिया निति गणेश छह स्थानाभ, पद्म स्वरूप पाय्मो धकिया थोने बिज्याका वयाँ  
यात । हानं ईखा थगु थासे कौमारी छह न बिज्याकल । परम महा गुरु श्री बज्रसत्त्व बिज्याका खटगात प्राणिपि  
ज्या सिधसेलि बन्धुदत्त गुरु ललितपुर देशस न्हापा यायया लागी पडक्षरी मन्त्र ध्वज व्वेका वासुकी, शेष  
चोंगु पुलंगु थिती न्हयगु रथ जात्रा यायगु देचोंगु थव थिती नागराजापि जगल आदि जवे खवे न्हाणे सालेगु  
छगु याता श्री लोकनाथयागु रथ जात्रा छगू जक यायगु थिती दुबिका । थुगु रथे श्री लोकनाथ बिज्याकल ।  
समाधियोग याता न्हयगु रथ जात्राया देवतापि श्री लोकना  
मूर्तिस साधनायाता बिज्यात । थव देहस खगू रथ जा  
देवतापि बिज्यात, छगू रथ जात्रा जटाधारी लोकेश्वर  
बिज्या । हानं चैत्य स्थापना याता साधना याता थिती  
चैत्य पंद्दुया वन, स्वप्नस कयन हानं आकाशवाणी थया

श्री लोकनाथ बिज्याकेत गुरु बन्धुदत्त

रथ दयकूगुया प्रमाण

थायया लागी पडक्षरी मन्त्र ध्वज व्वेका वासुकी, शेष  
दि नागराजापि जगल आदि जवे खवे न्हाणे सालेगु  
दुबिका । थुगु रथे श्री लोकनाथ बिज्याकल ।

रथे बिज्याकुगु दिन

नेपाल ललिते तिथी प्रतिपदा

वैशाखशुक्ले दिने ॥

श्री लोकेश्वर देव रम्य सुरथे

दृष्टा विराजं ततः ॥




ते देवाऽसुरमानवाश्च भुजगाः

कुर्वन्ति यात्रां तदा ।

दाक्षिण्ये अमरापुरे दिशिगतं

विघ्नानादिकं शान्तयेत् ॥



वैशाख शुक्लया प्रतिपदा तिथि खुन्दु थले श्री लोके  
कहगाम । सुलक्ष्ण युक्तपुरे विजयगु देव, दैत्य, मनु  
नागादिपिस खना सकल वया विधिक्रम पूजादि देव लोकपि  
जवे, दैत्य लोकपिस खवे जंगलः जोना, मनुष्य लोकपि  
न्योने बिपः जोना साला, ऋशध्वरादि गन्धव किन्नरपिस ।

धना, पंखां गायका, बाजं थाना, प्याखं हुया नाना मङ्गलोरुच  
याना रथ जात्रा यात ।

प्रथम जात्रा गुरु बन्धुदत्त बज्राचार्य माने यात । द्वितीय जात्रा  
नरेन्द्रदेव राजां यात । तृतीय जात्रा रथचक्र भरिया प्रमुख  
सकसिनं माने यात । चतुर्थ जात्रा देव दैत्यादि, यक्ष राक्षस, भूत  
दकसिनं माने यात । हानं थव रथ जात्रास सुथे सुथे नित्य देव  
दैत्य, ऋषिगणपि वया स्तोत्र बाँ वल । थव हे प्रमाणं आःगुजि  
वाहायापि शाक्यवंशतः, चित्रकारितः, न्यकृत वया स्तोत्र बोनीगु  
थैया अद्यापि तर्क चले जुयां चवन तिनि । उगु समय रथ जात्रा  
थल देशे ज्यावलाख्यो समेतया प्यया याना जात्रा सिधयका  
सकल लोकयात दर्शन विया विघ्न दक शान्तयाना दक्षिण  
दिशास अमरापुर बुंग देशे यँका बिज्यात । धन नरेन्द्रदेव  
राजां श्री लोकनाथ बिज्याकेत बुं न्याना माका खर्च याना  
बिहार दयका देवालय दयका वसपोलयात सदां नित्य पूजादि  
माःगु कर्म याना बिनाः यायिपिन्त धन द्रव्य बुं तथा गुठि  
दयका बिल । हानं थल देशे तःवाहा बिहारे न बिनाः यायि-  
पिन्त धन द्रव्य बुं तथा गुठि दयका बिल । हानं रथ जात्रास  
माक ज्या यायिपि कर्मचारीतयत माःगु बन्दोदस्थाया लागी  
माक बुं तथा गुठि याना बिल । थुगु प्रकारं वसपोलयात  
रंग छायिपि खवप देशया न्यकुञ्ज धैपित प्रतिष्ठा पूजादि माक  
कर्म यायिपि बन्धुदत्त गुरुया सन्तान पिन्त, भाडा माक  
वीपि नदोल देशया कुम्हातयत, सुवा चोनेत रथचक्र भरियाय  
सन्तानपिन्त । हानं सदां स्थीरं भाव-भक्ति याना भजना  
यायिपिन्त समेतं माक बुं तथा गुठि दयका बिल । हानं नरेन्द्र-



देव राजायागु बुँज्या याना म्हे जुया चोँपि नाला देशया किसानत सःता श्री लोकनाथयात पञ्चासृत भोजन छाया लिपा छिमि नयगु धका माक्क बुँ बिया गुठि याना बिल । हान सुवर्ण रुप्य नाना धातुया पूजा जोल मा माःगु वसुजा दयका तैबिल । थथे सम्पूर्ण ज्या सिधयका सकल लोकपिसं धन्य धन्य धायका गुरु, राजा भरिया सोमहं कान्तिपुर येँ देशे गोपुच्छ पवतस वना, श्री स्वयम्भू दर्शन यानालि शान्तिपुरस वना गुरु शान्तिकर बज्राचार्यया चरणकमले भोपुया नमस्कार याना थःपि वयागुनिसेँ वयागु तकया जूगु यानागु खँया वृत्तान्त बित्ति याना बेला कया थःथगु थासे लिहाँ वना परम आनन्द चोना बिज्यात ।

थनं नि श्री शान्तिकर बज्राचार्य थ शिष्य बन्धुदन, राजा नरेन्द्रदेव, भरियारथं चक्र थुपि सोमह वया श्री लोकनाथ नेपाल देशे बिज्याके धुन धका धाःगु खँ न्यना हर्षमान याना ध्यान थः पूर्व जन्मया पुत्र श्री लोकनाथ दर्शन याना आनन्दनं सामाधि योगस चोना बिज्यात ।

श्री लोकनाथ बिज्याकुसेँलि तिनि नेपाल देशे वखत वखत जल वृष्टि जुया वामा पिनागुली नं पाके जुसेँली वामा दुने जाकि दया अन्न प्रसस्त जुल । देशवासी लोक पिनि दुःख मट्या आनन्द जुल ।

थनं लि ग लिछि काल बिते जुया वसेली छन्हूया दिने गुरु, राजा, भरिया सोमह श्री लोकनाथया न्होने धना बन्धुदत्त बज्राचार्य करुणाष्टक धैगु स्तुत्वा प्रणम्य स्तोत्र (२५) नीन्यागु

चरना थमं चरना याना बोने धुका आः जिगु आयुः मन्त, श्री करुणामयया शरिरें लीन जुया निर्वाणवनेगु वखत थयन धका मती तया राजायागु खाः स्वया धया बिज्यात

भो राजन नरेन्द्रदेव ! आः भी सकतां ज्या सिधल, छलपोलयागु हे जक ज्या छगु बाकी दनी, थव ज्या छगु नं छाप् बाकी तया बिज्यागु ? थौं हे याना बिज्याहु । थथे गुरु धाःगु खँ न्यना जुजु बित्ति यात ।

भो गुरु ! जिगु ज्याला छुं बाकी दु थें मर्चो, छुं ज्या बाकी दनी, जि लोमना चोन ला, छलपोलं आज्ञा दयका बिज्याहु । थथे राजा धाःगु खँ न्यना गुरु धाल ।

भो राजन ! छलपोलया लोमना चोन खइ । जि लोकनाथ साधना याना कलशे बिज्याका वले छलपोलया न्हो वेका चान । लोकनाथ निको तक पिहाँ बिज्यासेँलि सोकःयागु अवस्थाय ज्या विफल जवी धका जि छःपिन्त चुल्यां खाना बिया, उगु वखने छलपोया मन मन धाःगु दु । जियेँ जाम्ह राजायात हे थव चुल्यां ख्यात । थवेत जि त्वाथला बी धका भेगु मखुला ? थव हे छगु ज्या बाकी दनी, मेमेगु ज्या फुकं सिधल खः । थव नं बाकी तेम्बाल, जि अपराधियात त्वाथला ब्रह्मा बिज्याहु । थव खँ न्यना जुजु मछला म्ये धाँन्याना कोछुता बिनाः याना धाल । अहो दैव ! थव गुरु ला साक्षात् मंजुश्रीया अवतार खनी मने चोँगु खँ हे स्यू. धन्य धन्य गुरु धका चरणकमले भोपुया अनेक प्रकारं बित्ति यात ।

भो गुरु ! कोटि बित्ति क्षमा याना बिज्याहु । नीतिस धया तःगु दु । राजमत्ता, धनमत्ता, यौभनमत्ता थुमिगु बिश्वास



मदु उकीं जिगु मने राजमत्ता, धनमत्तां पिहां वःगु खः, थुकी कोटि कोटि जिगु बिन्ति क्षमा याना बिज्याहुँ । थथे धका राजां अनेक प्रकार बिन्तियागु न्यना गुरु बन्धुदन्त हान धाल ।

भो राजन् ! मने वःगु कल्पना ज्या न सिद्ध याथमाः मया तथे मने कल्पना दया हे चोती । उकीं मयासे मज्यू, जिके छुं विषाद मदु । तर छलपोल नाना माथन बिन्ति याना क्षमा फोन, अथ्य जूसां मनयागु बरपना मिते यायत जिगु न म कूशयागु मूर्ति म्ह छम्ह दया त्वाथला बिज्याहुँ उलिन खुसी थथे गुरु धाःगु न्यना जुजु न्हिला धाल ।

भो गुरु ! थव ज्या यानगु जिगु कतव्य मखु, अथ्य जूसां छलपोलयागु वचन शिरोपर याना मचातेसिहती थें जक जूसां जि याये धका जुजु कूश छपु कया गुरुयागु मूर्ति धका म्ह छम्ह दयका भूमिस तथा बिज्यात । उगु समथे गुरु थःगु जीव समाधि द्वारा कूशया मूर्ति दुविका बिज्यात । जुजु खड्ग प्रहार याना कूशया मूर्ति निकू दयमात्रे सदगुरु बन्धुदन्त वजाचार्य प्रलय जुया श्री करुणामयया जवगु पालिस लीन जुया निवा-  
णपद लाना बिज्यात ।

धनलि नरेन्द्रदेव राजां थथे गुरु प्रलय जुया बिज्यागु खना स्मृति हीनजुया लिपा नुगः मछिका जि स्वाय मयल धका अनेक प्रकार बिठाप याना गुरु व लोकनाथया शरण वना, जिन छलपोलया चरणे शरण वये धका भावना याना सर्वभूत भोग स्तोत्र २४ नीप्यंगु थमं रचना याना बोनालि दण्डवत् प्रनाम यायां अनहे प्राणत्याग याना श्री करुणामयया खवग पालिस लीन जुया मोक्षपद प्राप्तजुल ।

हानं रथचक्र भरियां अन गुरु, राजा निम्हं मृत्यु ज्या वंगु सोया अपालं बिलाप याना धाल । हा हा हे दैव ! गुजो गुजोगु जूल, धिक्कार-धिक्कार देव समानपि गुरु राजा मदयका जि छुं मस्यूम्ह ज्यापु छम्ह जक स्वाना चोनाया छु प्रयोजन, जिन सिना वने धका इच्छा याना चरपतिपाद धंगु देव मनुष्यां स्तोत्र २५ नीन्यागु चरण रचना याना बोनालि दण्डवत् प्रनाम यायां प्राण त्याग याना श्री करुणामयया पद्मासने लीन जुया मोक्षपद प्राप्त जुल ।

धनलि स्वम्ह महावीर पुरुषपिस प्राण त्याग याना वगु खना सकल लोकयां नुगः मछिका थय धका प्रशसा याना थुमिस धया वंगु याना वगु ज्या खं लुमका श्री करुणामययागु रथ जात्रा चले याना भव भक्ति तथा नित्य पूजादियाय माक कर्म याना सकल लोकपि उद्धार ज्वामा धका आशिका याना चोन ।

दय दस बुँग निस रथ जात्रा यायगु सकलयात थाकी धका १२ भिनिदय छको बुँगनिसें सालेगु याना, मेगु दपत्ति यल देशे ज्यावलाख्यो समेतयां प्यया न्यायका प्यन्हु दुखुनु ज्यावला ख्यले पूजा याना रथ कवकया खते बिज्याकादक्षिणा-  
यणया प्रमाणं दक्षिण दिशा सोका बुँग देशे यँकेगु याना, हानं बुँग देशे खने बिज्याका उत्तरायणया प्रमाणं उत्तर दिशा सोका यल देशे हया तावाहाले बिज्याका वैशाख शुक्लया पोरखुनु रथे बिज्याका जात्रा याःगु वरदेव राजां धका स्तीके माल ।



## ज्यावलाख्यःया जात्रास पुतुलं क्यनीगुया संचित खँ

ज्यावला ख्यले पूजा खुन्हु रत्न थुनातःगु प्वाकलं  
कर्नागुया कारण छाय धाःसा—भक्तपुर (ख्वपदेशे) मिखा  
स्यागुया वास यायिम्ह निधन किसान (ज्यापु) बुढा छम्ह  
दुः छन्हु च धाःगु धर्वाँ वनेत चःबले लेँ ब्राह्मण छम्हसें  
न्यत । हे वृद्ध आवाजु ! छि गन भाये तेना ? जिगु छे स्त्रीया  
मिखास्याका चोन, याना याना वासल मज्यू । छि मिखाया  
वासः यायिम्ह धाःगु न्यना, उर्कि छितः छकः क्यने धका सः  
तः चया लेँ हे नाप लात थिक जुल नु. आः हे भासँ ।

बुढां धाल— छिगु छे गन ? जि मिखाया वासः यायिम्ह  
जा खः बुँ वनेत चया, आः धन वासः नं मदु ।

ब्राह्मनं धाल— बुँ भाय म्वाल, जिगु छे भासँ नापं बोना  
यंके, वासः कायके हय धका मित्रास याना बोना यन, तः दहनस  
थ्यसेंली हानं ब्राह्मणं धाल ।

हे वैद्यजु ! जि मनुष्य मखु, कर्कोटक नागराजा खः जिगु  
छे पुखुली दुने, छि याना दी मते मिखा तीसिना दिसं जि  
चयपुना यके, धये धया बुधायात चयपुना पुखुली कोत यना  
सुवर्णया छे दुत यंका छगू धासे तथा साःगु अमृत तुल्यगु  
भोजन याकालि थः स्त्री नागिनी सःता क्यन ।

थच बेलस बुढा आश्चर्य जुया खछि सुं क चोना मनं श्री  
भैषज्य तथागत स्मरण याना धाल । भो गुरु भैषज्यराज तथा-  
गत जितः सुदृष्टि सोया विज्याहुं । थुलि मनं धया जवगु

न्हायपया लिउने लाहातीं ध्वे ध्वे याना खिति त्थीका गुलि  
गुलि बिना ख्वांगु लखं मिले याना भैषज्यराज धारणी बोना  
नागिनीया मिखास दुने थ्यंक तथा बिल । वं वोंगु धारणी  
थ्य खः ।

ॐ नमो भगवते भैषज्य वैदुर्य प्रभकेतु  
राजाया तथागतायार्हते सम्यक्संबुद्धाय तद्यथा  
ॐ भैषज्य महाभैषज्य सुभैषज्य परम  
भैषज्य स्वाहा ॥

थये धारणी बोना न्हिछिया सोकः वासः तयकुसेंली  
सिद्धिया प्रभावं प्यन्हु पुला न्हान्ह दुखुन्नु नागिनीया मिखा  
स्यागु रोग भतीचा हे मन्त, निर्मल शुद्ध नेत्र जुल । थच  
बेलस नाग नागिनी निम्हं खुसि जुल ।

हे वैद्यराज ! धन्य धन्य जीमिखा कने मजिया हीया चोने  
मफया याना यानागु उपाय मजिया चच्छि चच्छि खोया  
दुःख बिया चोंगु, छि प्यन्हु वासः याः बले निर्मल ध्वीक  
लायका बिल, आः छितः जिं छु वियाळे, छितः छु माः जिके  
दुगु धेदिसं निश्चय नं वी । हानं नागिनीनं धाल, अहो धन्य  
धन्य ! वैद्यराज धात्थे देव तुल्य खः याना यानागु उपाये  
मज्यूगु नेत्र रोग प्यन्हु वासः याना निर्मल शुद्ध उर्वीक लायक  
बिल । भो स्वामि ! थवं धाःगु बिया विज्याहुं ।

उगु समये कर्कोटक नागराजाया पिना चोंगु हेरा मोति  
जरे याना तगुलि ज्वारा ज्वारा चोंगु प्वाकलं खना थच बुढां



व हे प्वाकलं छपाः जितः ब्यूसा ज्यू, जि बुँ वने बले फिना वने धका थाल ।

थ्व वेलस नागराजा मुसुमुसु न्हिला फिना तैगु प्वाकलं तोया थाल । भो वैद्यराज ! थ्व लयात पुतुलं न धायि, पुतुलं न धायि । जि अतिकष्ट नया दयका तैग ख; छि फोन जि बीगु जुल यंका दिसं धका बिया, हानं मेगु धन रत्न न बिया घयपुना पुखुलि थत हया न्हापा नाप लाःगु लें थ्यंक तथा नागराजां थाल ।

हे वैद्यराज ! आमलें तोपुया यंकी, रत्न मणी जक थुना तयागु अमूल्यगु नाग वस्त्र ख; लालापित क्यने मते, थ्व खं गनं कने न मते मेपिसं लोभ याना कायी बिचाः याना ति जि वने जुल धका धया बेला कया नागराजा लोप जुया थःगु थासे लिहाँ वन ।

थनलि बुढा वैद्य छें थ्यसेलि जहानपिसं न्यन, छ गन वना वया ? प्यन्हु न्यान्हु दत जिमिसं साला जुयागु सुना न खना धाः मदु ।

बुढां थाल—हे मचात ! जि लें ब्राम्हण छम्ह नाप लात, व जितः बोना यंकल धका वृत्तान्त खं कना छिपि पत्या मजूस थ्व नागराजां बिया हःगु धन रत्न; पुतुलं सो धका क्यना वित्तबुझे यात ।

छन्हु व बुढाया नागराजां बिया हःगु पुतुलं फिना वुँ वन, मध्यान्ह काले भूत छम्हसं खना ताउति सोया मति मती थाल । अहो ! थ्व ज्यापु जा व्वी ज्या यायत हे थाय थासे हेरा मोति दुगु लें फिना ज्या यायिम्ह; थ्व लं गन कया

हःगु व्वी न्यना सोये धका मनु जुया न्यन ।

हे आवाजु ! आमलं छं गन कैः हैग तच्चकं बाँला जितः वु जि मूषी ।

बुढां थाल—थ्व लें जि नागयात वासः याना सिर्पाउ बिया हःगु, थ्व लया म्छं बीफै, मखु, जि बी नं मखु । थथे बुढां धाःगु न्यना भूतया लोभ वना उखुनु सुंक लिहाँ वन कन्हेखुनु न्हापा लाक वया व्वी सुला चोन । बुढाया वहेलं फिना बुँ वल, न्हिने ज्या याना तांनोथा लं तोता छथाय् थागिमे तथा हानं व्वी ज्या यात । सुला चोम्ह भूत तीजक वया लं काचाक कया विस्त्यु वन, बुढां खना ल्यू वन लिलाके मफु भूत छथाय् लोप जुया वन । बुढा निराशा जुया थःत थम धिकार याना थाल । ज्यापुया बुद्धि हिरा मोति दुगु लं फिना व्वी ज्याया वैद्य, तोते खुनु माला, बिनाश कारणे अमूल्यगु वस्तु फुत धका भसुकाः तथा खो खों छें वन । मचातसें न सीका बो बिल, दिक् ज्वीका च्वोन ।

थनलि कथःथें ज्येष्ठ मास थ्यन, यले श्री करुणामयया रथ जात्रा याना ज्यावला ख्यले थ्यका सोन्हु दुखुनु रात्रिस मनुष्य लोकपि वया ( दीप मालिका ) मत व्हेका, चाकः मत तथा स्तोत्र बोना चाःउला च्वन । कर्कोटक नागराजा नं यःमा तोता मनुष्ययागु रूप जुया उखे थुखे सोया चाःउला च्वन । ख्वपयाम्ह वैद्य बुढा न वया अन सोया बो चाःउला चोन । थुगु समये भूतगणपि न मुना वया उखे थुखे सोया, मनूते नयेगु तोनैगु जोरे याना हया दिका तःगु थासे वना मखांक मखांक कया नया दुःख बिया जुल । मनूते थन सँ



वःगु मखना, थव नं मदु वनं मदु धका कल्लोल शब्द हाला  
अद्भुत नाया चोन ।

अले अन यलया हे प्रजाचार्य छरहसे अवश्य अन थव कया  
नै जूषि मदै मखु सुज्वा सो हे सोये धका ताये आखे, ईका  
पका कया मन्त्र वांना होला ताइन त्या दिग्बाधन याना  
विसेलि भूतगणपि गन वने मफया रुने दया चल । थुगु  
मौकास पुतुलं खुया यंकूम्ह भूत नं वहे ल फिना अन वैचोम्ह  
ताइनया प्रभावं बने मफया ले दना चोन । बुढां रुना दवा  
वना कावाक जोना जिगु ल खुया यंकूम्ह चौर भूत थव हे  
का आःतिनि लातका छ भाजु, धौला मिहग ला जि माला  
जुयागु, आमल तोता हकी मखुसा कसा याय त्यल धका जोना  
तल । सकसिनं छु छु धका सो वल लसकरं तोपुल मनुष्य  
रूप जुया चोम्ह कर्कोटक नागराजा नं अन हे सो वल ।

भूत धाल-हे बुढा ! छं जितः तोती, थव लं जि व्ही  
थुया हेगु, छन्त छु धका बी, तोतेसा तोती मखुसा  
छं कसानै धका निम्ह सिया थिथि लवात, मेपि भूततसे हेरा  
बिया चोन । मणिमय लंया प्रभावं भूतया बल दै चोन, बुढायात  
कसा यात । बुढा धे धे चुल ग्वाहाली ग्वाहाली धका हाल । थव  
बेलस मनुष्य रूप नागराजां तांपिकया लाहा मुरकिचिना चौर  
भूतयात बेगं छेने छथु दाल, भूत सोचा चाउला भूमिस गोतुल ।  
मेपि भूतत ग्याना चिला वन । लिपा चौर भूत दना वया  
बिन्ति यात ।

भो मानव ! क्षमाया क्षमाया, थव ज्यापुयात मणिमयलं  
वीगु लायक मजू । थुजोगु अमूल्यगु वस्तु व्ही तोता ज्या

यायिम्ह, अवश्यनं छन्हु खं लुचातेगु ल्हातीलायी, उकीं जि  
मबिया खः । थये भूतं धागु खं न्यना मनुष्य रूप नागराजां  
धाल ।

हे भूत छं जितः म्हस्यूला ? का सो छं जिगु रूप धका  
नागराजायागु रूप कयनः अले हानं मनुष्ययागु हे रूप जुया  
धाल । हे भूत ! छं धाःगु खला खः, तर जि छगु ज्याय खुसि  
जुया थव बुढा वैद्ययात आम पुतुलं सिरपाउ बिया हैगु खः,  
आमलं छ भूतयात नं लायक मजू न्हागु हे जूसां जि वी धुन,  
छयाकन तोता व्यु । थये नागराजां धाःगु बचन न्यना पुनर्चार  
भूतं बिन्ति यात ।

भो नागेन्द्र ? धन्य धन्य छलपोल, छलपोलयाके जि छगु  
बिन्ति याये न्यना बिज्याहुं । छु धाःसा, आः थव रत्नमय  
पुतुल व ज्यापुयात नं लायक मजू, जितः नं लायक मजू । उकिं  
घयात नं बी मखु, जितः नं काय मखु, श्री करुणामययात  
द्रहलपे । नागलोक पिहा वःगु बस्त्र सकल लोकयात कयने माः ।  
थये भूतं बिन्ति याःगु खं न्यना नागराजाया नं बुढा दैद्यया नं  
चित्तबुझे जुया अन दुर्षि सकल लोकपित थव खं कनालि भूतं  
मणिमय पुतुलं तोता बिल ।

थनलि कर्कोटक नागराजा, ज्यापु बुढा वैद्य भूत थुपि सोम्ह  
मिले जुया श्री करुणामय लोकनाथयात मणिमय हेरा मोति  
जरे याना तःगु पुतुलं चढे यात ।

थुगु समाचार न्यना वरदेव राजां सो न्सेलि मनुष्य रूप  
कर्कोटक नागराजां राजा प्रजा आदि अन दुर्षि सकल लोकपित  
आज्ञा दयका बिज्यात ।



भो राजा प्रजादि, सकल लोकपि ! थ्व नागलोकं पिहां  
वःगु रत्नमय पुतलं (प्याकलं) दें देसं ज्यावला खयले जात्रा  
खुनु जुजु वया प्यगु दिगसं कयने माल ।

न्यापांगु—देव, दैत्य, मनुष्य नागलोकयात कयने माल ।

निकःगु—यै, यल खवप, तःदहने । निर्वाण जुया वंसां बन्धुदत्त  
गुरु, नरेन्द्रदेव राजा, रथचक्र भरिया, यात व  
कर्कोटक नागराजायात कयने माल ।

सोकःगु—भूत, किसान बैद्य, भूतगणपिन्त ताडन तःम्ह  
बज्राचार्य सहित लोकपिन्त, यक्ष लोके चोपिन्त कयने  
माल ।

थथे धका सत्य बाचा याना लोकपिन्त साछि तया किसान  
बैद्ययात भूतयात, भूत कयम्ह बज्राचार्ययात नं सन्तोष उवीक  
थन द्रव्य बिया मनुष्य रुप कर्कोटक नागराज लोप जुया वन ।

थ्व भूत गन चोम्ह धाःसा—सुशील भैरवया थाय् द्यौज्य  
क्षत्रे चोम्ह धका सीकी ।

थनलि बाचा फपुला वसेलि यक्ष लोकपि आपालं वया  
पूजा यायगु तोहचिना श्री लोकनाथ हरण याना यके धका  
चल । थ्व बेलस श्री करुणामययागु पालिस लीन जुया बिज्याम्ह  
गुरु बन्धुदत्त वज्राचार्यया मन्त्र सिद्धियागु प्रभावं ३२ स्वीनिम्ह  
देविपि प्रकट जुया लिना यंकल । थ्व हे धिति थोँया अद्यापि-  
तकं वा चोनी खुनु तर्की खाना देवी प्रवेश उवी मानी । कन्हे  
खुन्हु नं नाग लोकया वस्त्र, हेरा मोति दुगु पुतलं कयनेगु धिति  
थोँया अद्यापि तकं कयना चोन तिनी । थ्व नाग वस्त्र दर्शन

यानागुया जलं अठ्ठमहाभय तरे जुया वनी गुल ।

सुनां धुम् श्री लोकनाथ करुणामययागु भाव भक्ति याना  
थे जात्रास आदिं नित्य सेवा जाना पूजा-भावं याये, वया  
उगु जन्मस पुरव सम्पत्ति प्राप्त जुया अन्नयागु दुरव भइया  
लिपाया जन्मस मोक्षा वनीम्ह जुयी ।

थत्रे न्हापा न्हापा जुया वंगु ज्ञानियुगिपिंसं च्या  
धङ्गु थ्व खे आः जिं थन संक्षिप्त रूपं प्रकाशा याना ।

श्रुति श्री मर्यादात लोकेश्वरया महिमय वंशबल

मालस श्री लोकनाथ करुणामय भयालं

सङ्गु खे सम्पाद डाल /

→ : ० : ←